

洛陽縣誌

重修洛陽縣志卷之八

武進龔崧林盧國編次

人物

人以地傳地亦以人顯東都鍾靈毓秀名賢輩出而數難更僕謹按各史所載詳其行事依時代而次列為傳流寓等次之列女又次之職在表章文無虛美庶幾誌實云爾志人物

老聃姓李氏名耳字伯陽東周人周景王時為柱下史孔子適周問禮於聃辭去聃送之曰吾聞富貴者送人以

財仁人者送人以言吾不能富貴竊仁人之號送子以
言曰聰明深察而近於死者好議人者也博辯廣大危
其身者發人之惡者也為人子者無以有已為人臣者
無以有已將退孔子謂弟子曰我思老子其猶龍乎冊
兩行過函谷關尹喜曰子將隱矣強為我著書冊為之
著道德五千言而去

蘇秦師事王詡

時稱鬼谷先生

達俗論不事生產家人笑之說秦

惠王不用困而歸妻不下機嫂不為炊憤於學得周書
陰符揣摩久之說燕趙諸國合從攻秦秦為從約長并

相六國封武安君秦兵不敢出函谷者十五年弟代厲
並以遊說顯

白圭魏文侯時李克務盡地力而圭明棄取躬節儉與童
僕同苦樂趨時恐失嘗語人曰吾治生有道孫吳用兵
商鞅行法不是過也故智不足與權變勇不足以決斷
仁不能取予強不能有守欲學吾術終不告言治生者
祖之

又史漢貨殖傳載師史張長叔並洛陽人以訾致富皆
十千萬王莽用長叔為納言云

賈誼年十八善屬文漢文帝以河南守吳公薦召為博士
遷太中大夫請改正朔易服色興禮樂以繼三代盛治
絳灌等毀之出為長沙王太傅歲餘帝思誼徵之至坐
宣室令陳鬼神之本具道所以迄夜半帝為之前席既
而曰吾久不見賈生自謂過之今不及也拜梁王太傅
上治安策數千言皆切時弊居數載王墜馬死誼亦尋
卒時年二十三孫嘉世其學昭帝時為列卿

宋孟劉禮並洛陽人與鼂錯同師以文學著

見錯本傳

劇孟洛陽俠士袁盎善遇之謂其能濟緩急與季心

季布弟

同稱後條侯周亞夫征吳楚至洛得劇孟喜曰吳楚舉大事而不求劇孟吾知其無能為已卒用其計破吳孟母死遠方送喪車千乘及孟死家無十金之財人以其賢之

卜式以田畜致富武帝時願輸家財助邊召拜中郎不就令牧羊上林歲餘肥息上善之式曰治民亦猶是也惡者輒去勿令敗群擢緄氏令遷齊太傅爵闕內侯

賈捐之字君房賈誼曾孫博學能文時有君房下筆言語妙天下之語元帝初上疏言事待詔金馬門時珠臣郡

叛朝議欲擊之捐之力陳不可帝問于定國定國曰捐之議是於是下詔棄珠厓後以忤石顯被誅士論惜之
錡華洛陽文學士漢書注云華有賦九篇行世

虞初河南人

見漢書

武帝時驟貴衣黃衣故號黃車使者張

衡西京賦云小說家九百本自初始也

郭賀字喬卿家世以文學顯建武中為尚書令曉習故事
多所匡益拜荊州刺史百姓歌曰厥德仁明郭喬卿忠
正朝廷上下平顯宗賜三公服敕行部去襜帷使百姓
見其容服以章有德徵拜河南尹稱廉明焉

种嵩字景伯仲山甫之後漢順帝時舉孝廉為御史大夫
多所刺舉遷太守入為尚書會并涼寇警擢度遼將軍
推誠懷撫所至投戈歸服以司徒卒官邊人為發哀致
祭子岱舉孝廉拂由宛令遷光祿大夫李催郭汜之亂
兵入長安拂揮劍而出曰為國大臣不能止姦除暴去
欲何之因戰死拂子幼諫議大夫

孟光字孝裕博通舊典好公羊春秋而詆呵左氏漢末入
蜀拜議郎遷司農

郭象字子元少有才理好老莊言太尉王衍每云郭象語

如懸河瀉水注而不竭辟司徒掾遷黃門侍郎著碑論
十二篇

趙整字文業事苻堅為散騎常侍堅頗溺酒色作詩上之
曰昔聞孟津河千里乃一曲此水本自清是誰使之濁
堅正色曰是余之過也深自懲艾

字文福其先南單于之遠屬元魏太和初拜征南都將積
功至懷朔沃野武川三鎮諸軍事卒謚貞惠子二善延
並以武功顯

孟威字能重有氣尚尤晚北土風俗元魏初歷東宮齋帥

羽林監時四鎮高車叛投蠕蠕高祖詔威曉喻禍福遣
逃者分配為民後蠕蠕和親屢充使者皆不辱命弟季
廣州刺史子恂襲威公爵

奚康生洛陽人

北史作陽翟人今從魏書

其先代人世為部落大人康

生驍武弓十石矢異常箭為當時所服從魏太祖屢戰
有功拜征虜將軍封武安縣男

綦偁字樹顯莊帝時累遷滄州刺史吏人畏悅入為太僕
卿余朱之亂齊獻武王赴洛至邛山集百寮商廢立事
羣悚惕不敢言偁避席曰廣陵王雖為余朱扶戴實令

主詎可易耶議雖不行然高氏憚之

山偉字仲才父雅之永安時為營陵令偉隨之任師事縣人王惠涉獵文史遂以博學稱莊帝入洛除偉給事黃門侍郎

劉仁之字山靜有檢尚涉獵書史余朱世隆器之以著作郎出為充縣刺史雅愛文史重士流獨擅當時之譽

宇文忠之其先南單于之遠屬祖阿生以武功封巴西公父侃治書侍御史天平初忠之以太學博士除中書侍郎纂修國史

楊機字顯略天水冀人祖伏恩徙居洛陽因家焉機少有志節為士流所稱許河南尹元暉召署功曹委以郎事時論譏之暉曰吾聞君子勞於求士逸於任賢吾既委得其才何為不可機善彊識以薦為洛陽令訟訟者一經其前後皆識其姓名稱神明焉仕終度支尚書

房謨字敬枚西魏正光末歷昌平代郡太守所在稱廉齊神武入洛拜為潁川太守以清直見知累遷驃騎大將軍攝南汾州事卒謚文惠

高隆之字延興身長八尺美鬚髯深沈有志行臺于暉引

為郎中刺并州進尚書右僕射時初給人田權貴占良
美貧弱者受瘠薄隆之啟齊神武均平之武定中除尚
書令遷太保以崔孝芬結昏不果禍至滅門聞者慘焉
薛琰字曇珍父豹子魏徐州刺史琰形貌魁偉為典客令

魏帝謂之曰卿風度峻整姿貌秀異後當升進欲處何
官琰曰宗廟之禮不敢不敬朝廷之事不敢不忠此外
非庸臣所及正元中為洛陽令部內肅然繫者惟三人
魏孝明嘉之賜縑百疋擢太宰仕終尚書僕射

元文遙字德遠濟陰王暉以王佐器之北齊時拜僕射進

寧都郡公歷事三主達世務每臨軒多令宣勅時邑宰忌用清流率多濫舉文選擢貴遊子弟用之士人為縣始于此有田數頃久遭侵奪比貴其人懼而逃卒撫與之奪者愧不敢受竟為間田其與物無競如此

元景安魏昭成帝五世孫沈敏有幹局容止閑雅每梁使至景安與斛律光皮景和等對客騎射見者稱善天平時邛山之捷賜爵西華縣男入齊賜姓高氏遷七兵尚書時初築長城鎮戍未立詔同諸將緣塞為備督領既多公行賄貨事聞文宣遣使推檢唯景安纖毫無染賜

絹五百疋彰其清節封歷陽郡王子仁官丹陽太守
子謹字思敬小字巨彌沈深有識量以征蠕蠕受知于朝
貴魏末群盜蜂起謹解諸國語單騎入賊示以恩信所
向推誠輸服入周仕至雍州牧卒謚曰文字二實封萬
年縣子翼封安平縣公入隋為太尉翼子義隋初用高
頴薦以武功超拜上柱國封建平公卒謚曰剛
長孫儉其先魏之枝族孝文遷洛改姓焉五世祖嵩仕魏
封北平王儉性端嚴方正不苟交接孝昌中起家散騎
侍郎周公祖時雅重儉每語有肅然起敬之意後拜昌

寧縣公

長孫覽字休因父紹遠仕周為小宗伯太祖語朝士曰長孫公任使之處令人無反顧憂其見契如此覽有氣量涉獵書記尤曉鐘律周武帝時拜車騎大將軍每奏先令覽省讀帝徐覽焉故賜名曰覽後以誅宇文護功封薛國公子洪北平太守

辛威周大統初拜冠軍將軍散騎常侍威善於用兵長于撫禦故所向多成建德二年授河州總管治鄰鄉里時論榮之

達奚實字什伏少有幹局起家給事中從魏孝武西遷封
臨汾縣伯性嚴重周太祖噐之擢司馬進爵平陽縣公
出為文州刺史

元定字願安醇厚少言內沈審而外剛毅從周文討侯莫
陳悅以功拜步兵校尉復為岷州刺史羗人慕之

趙剛字僧處機辨有幹能仕元魏為都督孝武與齊神武
構隙剛秘羣旨密召東荊州刺史馮景昭赴闕已而寇
警孝武西遷景昭用司馬馮道和計議持兩端剛拔劍
投地曰公若為忠臣可斬道和否請殺剛從賊景昭感

悟赴難事雖不成而時論是之後仕周封浮陽郡公

趙肅字慶雍有操行知名于時天平中起家新安郡守遷殿中侍御史周文入洛稱為洛陽主人勅令自擇封爵肅曰河清乃太守之應輒所願也因封河清縣子

元偉字猷道魏昭成之後好學侍從于朝封南安郡王世宗詔偉于麟德殿刊正經籍因報聘為齊所執齊平始釋周高祖擢為上開府未幾拜大將軍庾信贈偉詩曰號亡垂棘反齊平寶鼎歸其見重于時如此

于仲文字次武建平公義子少聰敏耽學不倦為益州長

史有明斷無雙之謠後從隋煬帝討吐谷渾軍營多用其畫遂奏虜功馬進位光祿大夫甚見親幸

王誼字宜君性恭謹周閔帝時為左侍中冢宰字文護端政儀制素然會有朝士失儀誼勃然擊之自是無敢不肅者累功封郢國公坐怨望被誣賜死聞者哀之

元景山字瑤岳周亳州總管隋文帝知其勇用為帥陳平進正儀大夫子成壽以平楊元感功拜西平通守

賀若誼字道機剛果有幹略祖父皆仕魏周太祖德誼之助已登極後封誼甯城縣子隋開皇初以威望擢靈州

刺史特晉上柱國邊人攝服焉

元暉字叔平僕射昱子幼好學涉獵書記周太祖見而禮之命與諸子游處尋以使突厥功封義寧縣子開皇初拜都官尚書

元諧豪俠有氣調少與隋文帝同學甚相親也軍功拜大將軍時帝方為相朝士多忌之引諧置左右諧曰公無黨援譬如水間一堵牆大危矣及受禪後帝笑謂諧曰水間牆竟何如也擢寧州刺史進爵上柱國

元孝矩西魏朝以世勲襲公爵見周太祖傾危元氏孝矩

汾陽縣志 卷之八
慨然有興復之志已而不果入隋拜壽州總管轉涇州
刺史歲餘卒官謚曰簡

元褒字孝整孝矩弟幼孤為諸兄所鞠養家富多金褒悉
推與兄絲毫丕有宗人賢之熟姻史氏兼文武才開皇
時封河間郡公出為原州總管有商某誣人為盜褒廉
得其寃出枉者罪商上訴坐免官隋文帝謂之曰元公
何自誣耶褒惟以不能息盜自為引咎帝稱為長者
元胄魏昭成帝六代孫入周拜大將軍與隋文帝深相結
也周趙王謀害隋文飲之酒伏甲于戶外賴胄從衛而

傳先帝善德之禪位後爵上任國封武陵郡公

長孫平字處均仕周為小司徒隋高祖龍潛時與平情好
禪位後擢度支尚書平勸立義倉備振甚詳而有法平
官吏部尚書謚曰康

宇文慶字神慶深沈有器局仕周為驃騎將軍從武帝攻
河陰先登攀堞與賊短兵接戰中石絕而甦帝勞之曰
卿之餘勇可貴也後以行軍總管從隋高祖南征江表
拜爵上柱國

長孫熾字仲光覽從子也性敏慧處事周密隋文稱美之

授左領軍長史持節為河南道巡省大使擊吐谷渾功授銀青光祿大夫帝幸江都留以為東都居守

長孫晟字季晟涉書記善彈工射趨捷過人隋文以名將許之令偕宇文神送千金公主與突厥和親因盡察其山川形勢以狀上之阿波實利本攝圖族素有隙晟構阿波密令圖攝圖懼使公主請改姓為帝女大業初隋帝幸榆林將出塞外晟先導因諭可汗染干親刈草萊為御道夷人畏而從之車駕遠巡無患晟力俱多馬後突厥圍鴈門帝撫然曰晟在當不令匈奴至此

賀若敦周時為金州總管宇文護忌而害之臨刑謂子弼
曰我欲平江南不果若當成吾志但吾以舌死若不可
不成弼仕隋拜吳州總管陳平弼之力居多也加上柱
國封宋國公煬帝忌弼數以三太猛而殺之父子皆中
非法羣以為冤

周搖字世安齊封葵國公入隋拜定州總管文獻皇后自
京師詣高祖道經搖治主禮甚薄因白后曰公廩甚富
子財限于法不敢輒費其質直類此帝亦以是嘉之

元亨字德良父季海西魏司徒亨隨母李氏留洛齊神武

以亨故禁錮之季有智謀詐出就食潛行草間達長安
周太祖優禮之人隨為衛州刺史八年風大洽

元善父羅以家難奔梁歷青冀二州刺史善隨侍馬好經
學尤精左氏侯景亂歸周為太子宮尹隋初遷園子祭
酒文帝親釋奠善講孝經數陳義理兼諷諫馬帝謂善
風流醞籍稱美者久之

房恭懿字慎言深沈有局量仕齊為濟陰守開皇初用蘇

威薦授新豐令治為三輔最每朔朝謁上見輒呼至榻
訪以治道歷任德州司馬最冠諸牧上謂諸州縣集使

田如魯志存體國愛養百姓此上天宗廟之所祐也
即日擢為刺史

趙軌清河縣子趙肅子少好學勵行檢閑皇時為齊州別
駕以廉稱官舍鄰民居有桑椹落于廳軌令拾還其主
其介節類此及徵入廟父老持水泣送曰公清似此敢
以饒執受而飲之累官壽州總管長史以農田著績

元巖字若山讀書以名節自許仕周掌記室宣帝昏暴巖
以剛鯁不容于朝隋初拜兵部尚書平昌郡公詔佐蜀
王秀為益州長史高祖謂巖曰公宰相大器屈輔我兒

亦曾參相齊之意也巖至蜀勤吏治理獄訟禁王淫暴
王甚憚焉

字文致字公輔博通古今慷慨有大志仕周修五禮薦賢
能雅有知人之譽武帝代齊致募三輔豪傑別隊以從
齊平封武威縣公隋開皇初贊伐陳之謀加開府擢司
寇文帝釋奠于學致與博士論議致詞清遠上稱善焉
元壽字長壽博涉經史周末拜儀同三司隋開皇初以平
陳功擢尚書左丞後從征遼東卒于軍諡曰景

原師字踐言仕周為司賦上士隋禪擢尚書考功侍郎國

事多所參定尋以益州司馬輔蜀王王抗旨不朝師疏
請再三而後行後王廢罪及諸郎師以此疏得免煬帝
立拜大理少卿遷刑部侍郎居職稱強幹

衛元

舊志作懸從
隋書改正

字文昇少有器識周時為京兆尹有聲

仁壽初齊州刺史封同軌郎公會山獠亂元單騎說降
其衆煬帝北征元留守李密合楊元感攻洛元仗節誓
師激以忠義聞者流泣車駕至高陽徵詣行在稱為社
稷臣焉

邱和敦氣俠閑弓馬長折節自負入隋歷資梁蒲三州刺

史以寬惠著名尋為交趾太守撫安百粵唐高祖立和
請入朝詔其子師利往迎帝引入卧内語平生歡甚除
左武侯大將軍穆州刺史卒謚曰襄陪葬獻陵

長孫無忌字輔幾晟子文德皇后兄也博涉經史初為比
部郎中唐太宗定天下無忌功為第一封齊國公進尚
書左僕射遷太子太傅與褚遂良同受顧命高宗初以
諫立武昭儀觸帝怒流黔州投繯而卒子順德官驍騎
大將軍

元萬頃魏景穆帝裔孫乾封中為北門學士武后時造鳳

開侍郎坐與徐敬業善敗死

吉頊武后時為右肅政中丞來俊臣下獄議當時后念其
功章三日不下頊曰俊臣誣殺忠良罪惡如山蟲賊也
尚何惜卒以其言誅之張易之罷盛久問自全之策頊
故色言激其力助相王且為言于武后故中宗復辟頊
與有力也肅宗時發其事贈御史大夫

張循之與弟仲之並以學業著名武后時循之上書忤旨
誅死仲之神龍中謀去武三思未成而謀露先見殺其
友蘇晉撫其子漸營婚入官晉卒漸喪之若諸父云見

唐書蘇珣傳

陽嶠其先北平人少洛陽儀鳳中舉八科皆中資謹好學
伏翼後進盛任魏荆二州並以清白聞封北平伯

賈曾建州司戶叅軍言中子景雲中為吏部員外郎元宗
為太子曾以舍人伴讀欲采女樂就率更寺肄習曾諫
而止遷中書舍人以父嫌名不拜元宗立復擢是職曾
辭如故議者謂禮不諱嫌名曾始拜與蘇晉同掌制誥
文辭茂美時稱蘇賈云

字文挺字致珉少有文譽推國子生授道王府叅軍遂州

司戶仕至同州長史

陸伯玉篤學厲行開元時仕至岐州刺史封平泉縣男

元澹字行沖以字行博學通故訓第進士狄仁傑器之笑
語曰君吾藥籠中物不可一日無也拜太常少卿充弘
文館學士著魏典三十篇禮疏五十篇元宗註孝經詔
行沖為疏書成立于學

元布聲童時讀書通大旨比長脫落人事後舉進士武后
時徵為司禮博士預修三教珠英撰中書舍人終吏部
侍郎史稱布聲簡而能通清而不介焉

陸孝斌稟識高明篤學厲行舉明經為絳州參軍仕至趙州錄事治不苛察無廢不舉

丹竇字茂竇應八科舉列高第授綿州司戶參軍除導江縣武后時為河州刺史入朝侍宴于長壽殿賜以綵幣文袍還州置書褒美一時推為異數

王灣先天進士開元初為滎陽主簿時詔馬懷素等綜治經史子集灣在選中分部撰次八年錄成又召入祿定麗正院書仕終洛陽主簿

張說字道濟永昌中舉賢良方正第一為兵部員外郎宗

時擢中書侍郎元宗時為太子說與褚元量侍讀以文學見親禮帝立拜同平章事與姚崇不協罷去逾年召為兵部尚書尋復相封燕國公卒謚文貞說博學能文與許公蘇頌齊名時稱燕許手筆

元德秀字紫芝質厚川緣飾事母至孝舉進士不忍去左右因負母至京師任魯山令有惠政會元宗幸洛賜酺金三百里內守令各以聲樂集時河內太守輩優伎數百德秀樂工才十餘人耳聯袂歌于蒿帝聞而異之謂宰相曰河內人其塗炭乎德秀名由是彰秩滿駕柴車

清江雜錄 卷之八
隱于陸渾所居無墻垣局鑰賙飢不爨彈琴自娛房棺
歎曰見紫芝眉宇使人名利之心都盡

賈至字幼鄰曾子以明經授單父尉開元時拜起居舍人
從駕幸蜀肅宗登極令至撰冊帝謂曰先帝詔命爾父
為之茲命冊又爾為之兩朝大典出卿一家可謂繼美
矣遷兵部侍郎散騎常侍卒謚曰定至工詩有專集

許景先常州人曾祖緒徙居洛陽因家焉以進士釋褐夏
陽尉歷任殿中侍御史開元十年伊水溢景先為源德
耀言事聞時肯振恤元宗擢御史十一人按行諸部景

先與馬註勳臣祖通洛濱盛具奏太常樂帛舫水嬉費
絹三千書御製詩以寵其行一時榮之

席豫字建侯襄陽人先世徙河南舉學兼流略詞擅文場
科補襄邑尉睿宗初請建太子語中時忌元宗朝由樂
壽命累遷內職皆有能名尋至禮部尚書封襄陽縣子
豫清直無欲故不為勢要所撼性謹畏雖與子弟屬吏
書不作草字工詩元宗稱為詩人冠冕云

陸堅汝州叅軍坐事貶涪縣尋起給事中兼學士初名友
悌元宗嘉其綱正賜今名從幸泰山封建安縣男詔圖

形禁中親製贊褒之卒謚曰懿

于休烈唐相至寧元孫也性貞慤機鑿融敏第進士授秘書正字吐蕃請文集四種詔秘書寫賜休烈以周衰末大恐示弱於外表請去春秋一書議格于裴光庭不行肅宗立朝行在累官工部尚書封東海郡公恭儉不事生產毫而嗜學推轂後賢孳孳焉唯日不足也

元結字次山元魏苗裔舉天寶進士又舉制科肅宗因蘇源明之薦有旨召問結上時議三篇皆切時弊擢監察御史歷任中外並著能聲居高餘山等元子十篇時人

即以元子稱之

孟雲卿與元次山同里能詩一時古調無出雲卿右者登
進士終秘書郎

蕭斯字中明梁鄱陽王裔世居河南舉博學宏詞歷官禮
部侍郎大歷中使回紇虜廷爭禮稱不辱命朱泚之亂
斯年八十餘徒步詣奉天拜少師封晉陵郡侯謚曰懿
王峻其先洛州人徙洛陽少孤好學以明經調清苑尉擢
御史多所建整仕至高書同中書門下三品卒謚忠烈
房琯字次律初隱陸渾山開元中以薦為校書郎歷瑯琊

扶風鄆三郎太守拜文部尚書晉司中書門下平章事
從元宗幸蜀奏冊至靈武謁見肅宗具言上皇傳付意
陳時事利病帝為改容傾聽甚相親也後以賀蘭進明
之說見廢于家乾元初起邠州刺史召拜刑部尚書道
病卒贈太尉

祖詠開元進士張說薦為駕部員外郎工詩有集

獨孤及字至之幼聰悟父授孝經問兒志何語答曰立身
行道揚名于後世聞者奇之天寶末舉有道高第補華
陰尉代宗召為左拾遺疏陳時政俄改司封郎中子朗

李用晦官右拾遺請罷兵忤憲宗旨殿外尋起為殿中侍御史遷福州觀察使卒贈散騎常侍

獨孤嶼天寶時為泗州長史值亂修武備治下肅然大歷中官諭德遷大理少卿

李觀先世自趙郡徙洛陽沈厚有將畧節度使郭子儀遣佐坊州刺史吳佃為防遏使時以親喪解職吐番入寇觀率鄉勇千人守黑水虜不敢犯召拜右龍武將軍扈駕奉天德宗擢為涇原節度使在屯四年訓部伍儲藏饒術仕終工部尚書

權華字子鷲天寶末舉明經武守河西尉改尉陵丞貞元初為華州司士所至歷艱危持守潔白朝議嘉之

蔣義字德源常州義興人徙河南義性銳敏貞元時以太常禮院修撰擢右拾遺上章議定典禮多所考証德宗實錄成封義興縣公官至秘書監諡曰懿

盧坦字保衡仕河南尉有吏才特杜黃裳為君甚倚賴馬改壽安令會河南府征賦限已窮縣供机織猝恐後時馬府請寬期不得令甘聽罰令民無遽其愛民類此累官御史中丞再遷戶部侍郎與宰相李德裕不合調外

李渤字子元明，縹緇太子正字，為涪州刺史。最聞遠諫，
大夫數陳時弊，晉中書門下平章事所在稱職，人頌之。
史用誠字君諒，沈謀有將畧，貞元初佐襄陽節度樊泮，練
習武經，授馬軍兵馬使，討淮逆，生擒吳元濟，拜銀青光
祿大夫，賜爵上柱國，敬宗立，又推用誠功，封武昌縣開
國子，食邑五百戶。

李渤字潞之，刻志立學，不樂仕進，與仲元涉隱少室山，元
和時，李選章况文薦以右拾遺召，不赴，洛陽令韓愈遣
書致之，始出拜諫議大夫，每朝廷有闕政，輒附章列上。

後出為桂管觀察使浚潭水舟楫利焉涉初拜太子選
事舍人太和中改太學博士尋流康州自號清谿子

石洪字濬川有志行舉明經為黃州錄事參軍罷歸十年
不出數薦不起烏重印鎮河陽求賢者以自重或薦洪
以禮致之相得其歡後詔書召為集賢校理

元稹字微之魏州咸陽人幼孤貧母鄭親為教育稹有
敏質進士乙科除校書郎以制舉補左拾遺使東川還
分臺東都歷仕于外與白居易相友善唱和不輟並號
元和十才子然感唐詩格至元白二公而變律云稹大

和中為尚書左丞檢校戶部尚書卒贈右僕射

獨孤郁字古風少孤元和初舉制科高第擢翰林學士端
翁權德輿輔政郁引嫌求避改考功員外郎德輿罷詔
復元官不就徙秘書少監

賈餗字子吳少孤舉進士第一又兼賢良方正異等授渭
南尉權考功員外郎知制誥餗美文詞氣凌輩行諫議
大夫李渤惡之言于朝時相李逢吉愛其才得不斥轉
禮部侍郎王典貢舉得士七十五人後多至卿相者稱
得人最或遷集賢殿學士生劉蕡黨為中官所害

曹確字剛中開成進士歷官中外拜兵部侍郎或通時以
本官同平章事確遠儒術器識方重時帝昵優人李可
及演拍彈之詞擢李威武將軍確力諫僖宗出為鎮海
節度使徙河中卒始確與華誠同居相職並有雅望人
稱曹華比漢蕭曹云

李襲吉乾符進士為河中節度李郁推鹽判官後為晉王
掌書記博學熟唐典故拜諫議大夫晉梁修怨兵連不
解王憂之思與梁和使襲吉為書諭之稱駢儻有體
王晏球字瑩之少時遇亂入汴富人杜氏畜之梁太祖選

富家材武子弟置帳下號廳子都晏球與馬入唐拜歸
德軍節度使討平王督擢中書令卒贈太尉

李郁福建觀察推官元福子初仕梁歷滑魏宋三州刺史
入唐以太子少傅致仕子延昭殿中丞

高萬興以武功起家事梁太祖官檢校太師兼中書令封
渤海郡王弟曰萬金保大軍節度使梁亡入唐同光改
元萬興來朝京師歸而卒

劉岳字昭輔好學敏于文舉進士事梁為侍御史唐明宗
擢為吏部侍郎故事文武告身皆輸朱膠紙軸錢貧官

苦之岳請于朝詔革其例

盧質字子微唐末秘書郎後遊太原為晉王常書記莊宗之為嗣質與內官張承業力也莊宗立欲用為相固辭天成三年拜兵部尚書請改葬招宣議崇徽諡時論是之

桑維翰字國僑為人醜怪身短面長因桑姓同喪屢試不錄乃著日出扶桑賦且鑄欽硯示人見已堅志未幾舉進士晉高祖辟為河陰堂書記累遷樞密使

張鏞字可化梁貞明三年進士善筆札自晉以來徽號封

冊皆出其手宋初知檢校刑部尚書

李穀字惟珍世居洛避亂入潁長八尺勇力善射學輒一覽不忘登進士屢開府儀同三司封趙國公既貴訪得舊址復求歸洛周祖詔改所居鄉為賢相鄉里為勲德里鄉鄰沾榮焉

張澹字成文好學有才蔭晉開運初進士宰相桑維翰器之以史官修撰出知洛陽令周恭帝時拜右司員外郎知制誥宋為祠部郎中

聶崇義漢國子博士校定羊公春秋仕周為太常博士世

宗以宗廟祭器失規制命崇義檢討以開宋初上三禮圖太祖賜以銀器繒帛詔圖于國子監拜崇義學官掌禮儀者二十年凡禮制多所更定稱該瞻云

李度周顯德進士宋初拜殿中丞知歙州坐事左遷絳州團練使十年不調太宗見其歙州所刻詩石奇其才名對甚悅擢虞部員外郎使交州卒于道第康舉進士能詩官贊善大夫

董巖宋初進士以大理評事出知光州留內忤旨削籍尋

起為東京轉運使

劉溫叟傳御史岳子宋初拜御史中丞舊制月賞公用
實中丞受錢一萬不足則以罰錢充之溫叟惡其名不
取也屢疏求代太祖難其人不允涖職十三年以廉稱
趙孚字大信宋初授永寧令帝親征太原孚運軍儲民懷
其惠太宗立擢知開封府司錄叅軍鞠囚平允授推官
累遷殿中侍御史

石熙載字凝績周顯德進士宋初歷拾遺補闕出知澤州
擢兵部員外郎領樞密直學士上親征河東以掌書記
功拜戶部尚書知樞密事帝眷注甚篤疾甚求解職加

右僕射卒諡元懿弟熙古熙正皆進士子中孚員外郎
中立太子太傅

何繼筠字化龍節度福進子繼筠深沈有智從太祖征討
有功拜建武軍節度使前後備邊二十餘年善撫邊情
能以少擊衆邊人畏之子承矩字正則以指揮使從父
討劉崇擒胡澄崇驍將也太宗立詔監泉州兵會仙遊
莆田闖賊嘯聚承矩討平之遷閑廐使上害民數十事
悉被容納擢齊州團練

安忠形質魁岸久事太宗於藩邸深相知也及即位授供

奉官端拱初獲高陽關充淮南兵鈐轄

宋侯父廷浩為汜州關使死張從賓之難侯年十一補殿
直供奉官遷鄧州節度使從征亨重進改保信軍節度
太平興國初從平太原拜同平章事封邢國公卒謚莊
惠

王審琦字仲實遼西人徙居洛陽持重有才善騎射初隸
周祖帳下純謹甚見親任宋初擢殿中都指揮使同平
章事出鎮壽春節用愛民羣頌德焉子四承衍承祐承
供奉僅俱貴顯

李漢瓚魁岸有力周顯德時從征淮南為右射指揮使宋
初彰德軍節度從太宗征太原漢瓚先登矢集其腦力
疾戰召至行殿賜藥勞焉改鎮兵馬鈐轄弟漢贊積戰
功累遷崇儀使出知寧州

郭忠恕字恕先七歲能屬文尤工篆籀舉童子及第周廣
順中為國子博士生事落職不求仕進遊於岐雍京洛
間愛山水所至淹留善畫有名得者寶之太宗召為國
子監主簿令正歷朝字畫所定有古文尚書並釋文行
世子雍守家學隱峽州放浪山谷人稱白雲先生屢徵

不赴孝宗賜號沖晦處士命所在州郡歲時致問焉
劉保勳字修業晉樞密使處讓子純謹能詩未嘗忤物宋
初戶部員外郎遷開封府雍熙二年以御史中丞知幽
州府值北征失利與其子利涉同沒於難贈工部侍郎
擢孫巨川為秘書正字保勳妻卒貧不克葬詔賜錢十
萬葬之蓋異數也

康保裔祖志忠後唐長興中討王都戰歿父再遇龍捷指
揮使從宋太祖征李筠亦歿於陣保裔善騎射發無不
中屢立戰功領彰德節度使後為高陽關都部署與契

舟接戰矢絕死之三世忠貞詔錄其子故繼英繼彬繼明皆至顯仕

耿傳字公弼祖紹化蜀州司戶叅軍死流寇之難傳少俠尚氣初蔭三班奉職歷判儀慶二州督糧送軍致書於主帥任福戒以持重任勿聽果失利或勸曰君文吏無軍貴何為俱死傳不答賊至遇害後韓琦於孔目彭忠所得傳遺書上之贈諫議大夫官其二子瑗璩

趙安仁字樂道子子舉進士雍熙初召試翰林拜集賢院

學士上九絃琴頌稱旨召指中書特詔獎諭累官御史

中丞卒謚文定子溫瑜國子博士

楊守一

又名守素

字象先通周易左氏春秋宋太宗時為右班

直稱質慎勤謹累官宣徽北院使卒贈太尉

呂蒙正字聖功祖夢奇戶部侍郎父龜圖起居郎蒙正廷
試第一擢知制誥繼李昉為相寬簡持大體趙普重之
前後三居相位封許國公卒謚文穆子從簡務簡並國
子博士惟簡太子中舍人承簡司門員外郎中簡比部
員外郎居簡殿中丞知簡贊善大夫弟蒙體咸平進士
歷官殿中丞平章夷簡蒙正同族姪也一門貴顯為當

時甲族

种放字明遠沈默好學奉母隱于終南山聚徒講學從遊
日眾淳化初召詣闕廷白母母恚曰身將隱何用走為
自今不得安處我將棄汝入深山矣因辭不赴詔賜緡
錢養母勿奪其志咸平初克母喪張齊賢薦明年復召
放幅巾謁帝與語大悅授司諫直昭文館未幾仍乞還
山命館閣官餞于瓊林苑御製詩送之放性幽僻終身
不娶暮年居嵩山帝命內侍就典唐觀起第賜焉
張齊賢州寃旬人徙家洛陽貧無藉太祖幸西都以布

衣獻十策上怒斥之還語太宗識其名曰留待汝貴可
用為相也及舉進士置下第太宗不悅命一榜盡與京
官齊賢由大理評事歷官中外多有建白淳化五年叅
知政事

任布字應之家貧從人借書讀宋初及第因言邊事真宗
早識其名由大理丞權三司鹽鐵度支忤丁謂謫官尋
復起以太子太保致仕皇祐間詔陪祀明堂

溫仲舒字乘陽舉進士通判吉州入為學士咸平初以禮
部尚書罷政踰年起知開封府遷同知樞密院事仲舒

才堪應務與寇準同進名相琦人稱溫魁焉

王隨字子正第進士授諫議大夫出知開封府秩滿為西
京轉運副使陸辭曰臣父母家洛今在所部得奉湯藥
聖主之澤也真宗賜詩寵行以羊酒束帛令過家為壽
仁宗立擢侍郎叅知政事卒贈中書令謚文惠

王曙字晦菽隋東臯王績之後移家河南咸平進士為益
州刺史先是張詠治益多善政後主者改其令寇盜積
跡曙至悉復其制蜀人歌曰誰人最良先張後王惠我
赤子俾無流亡何以報之俾壽而康累官中書門下平

章事卒謚文康子益恭司農少卿益柔學士加特進

郭延卿家洛水南與張齊賢呂蒙正遊薦之不起錢惟演
留守西京慕其人與通判謝絳書記尹洙推官歐陽修
訪之去騎從散步到門延卿不知也被道服相逐日陋
巷罕有過從少留對花小酌可乎陶罇野蔌盡歡而罷
諸君退相顧歎曰此真隱者渠視富貴為何等耶

蔡齊字思先少孤長于外家登甲科第一儀狀俊偉真宗
顧冠準稱得人焉詔全吾給七驄傳喚以寵之狀元給
驄自齊始也景祐初為禮部侍郎叅知政事卒謚文忠

無子姪延慶嗣慶登進士仕至吏部侍郎賜錢庀葬
李琪幼孤撫育于兵家因得給事于宣祖左右以材力見
稱及宋受禪命補鎮職累遷劾忠都虞候頴富州刺史
後加左武衛大將軍景德中移疾歸真宗念舊勞月賜
奉錢以終其身

康德輿字世基父贊元嘗參曹光實軍事龍李繼遷俘其
家屬以功擢武州刺史贊元死真宗錄用德輿累官兩
上閤門使至和中河決頓邱德輿覓巨艘泛濟居民得
免壑溺焉復頴果州團練徙知趙州有告雲冀卒為亂

者倫道人捕首惡誅之事遂定

李漬字長源博覽經史不希仕進嘗往來中祿山所居木石幽邃遺忘人事好談前唐人物真宗名見以足疾辭不赴闕遣內使問勞并令長吏歲時存問天禧三年卒詔贈秘書省著作佐郎仍勅州縣存恤其家

滕宗諒字子京第進士范仲淹薦之名試學士院改大理寺丞治平初疏請莊獻太后還政逾年轉司諫調外歷知信湖等州尋守已陵所蒞建學典教湖州最感遺有諫疏二十餘卷

楚建中字正叔舉進士知榮河縣量地均稅民使之時元
昊方入寇俄而歸欵上官信焉建中疑其詐請豫築黑
水八堡以備非常寇聞而逸遷知慶州以江寧成德軍
致仕

劉燧字耀卿溫叟子初以著作佐郎出知龍門縣有盜聚
象殺人燧恐捕送時中道亡去悉令斬之上官以果決
勿之罪也尋遷益州刺史前刺史王曙治蜀有聲忌者
謂為苛暴會燧考滿入覲帝問曙與凌策孰賢對曰策
在蜀歲豐事簡得以寬治民比歲小歉多盜非嚴不治

况其所行未嘗出法外也帝善之任至龍圖閣學士

种世衡字仲平以蔭補將作監主簿出知澗城城臨邊世衡至環州善撫士卒得人死力所向有功及卒皆畫像祀之子三長曰鵠字子正繼父任守環遼夏州知州敵四萬猝至諤移營晉祠據險帥偏將分兩翼身為中軍俾老弱乘城鼓譟出其不意擊之俘獲甚衆朝議貶秩會侯可大入對白其事詔復官次子古字太質以蔭為天興尉出知原州民有鬻田避役者古按狀得良田三千頃丁四千判為民兵治下安之三子誼以討鬼章功

仕至保州團練使

富弼字彥國博學有宏識范仲淹許為王佐器舉茂才為
河陽判官趙元昊反疏陳八事尋以資政殿學士出知
青州會大水賑活流民五十餘萬遣使褒勞擢知制誥
契丹背盟求地遣弼報聘定兄弟之約獻納之稱面折
廷爭虜廷畏憚焉後與文彥博同參政事並稱賢相封
鄭公卒謚文忠孫直柔建炎時拜議大夫

程珣字君玉三司使程羽曾孫仁宗錄舊臣後擢珣黃陂
尉歷遷知磁州時熙寧法行守令奉行恐後珣極言不

便使者李元瑜怒因以大中大夫致仕卒後文彥博奏
其清節詔賜帛二百官給其葬子二顥字伯淳進士御
史裏行學者稱明道先生謚曰純顯字正叔崇政殿說
書稱伊川先生謚曰正二子闡明理學為伊洛之宗並
祀孔廟

邵雍字堯夫其先范陽人自其城莫親于洛因家焉雍始
從李延之學堅苦刻厲冬不爐夏不扇夜不就席者數
年挾先天之秘尤精數學與富弼司馬光呂公著二程
子雅相善也所著有皇極經世擊壤集觀物內外篇漁

樵問答諸書居安樂窩號無名字公謚曰康節子伯溫
字子文博學通時務以薦授大名助教徽宗初上書教
千言欲復祖制辨宣仁誣訪解元祐黨禁惜不能用也
出知靈寶縣累遷轉運副使所著有河南集見聞錄及
皇極觀物諸解

李鑄孟州同知歲旱徒跣詣濟源神禱雨有驗蝗集境上
亦以虔禱不為災州民異之

楊日嚴字聖刻兄日華官太常少卿日嚴舉進士試校書
郎歷知虛襄鄆三州刺史遷京東轉運使青徐飢請以

江淮粟五十萬運賑又開清河八十里抵暖水河漕運
便馬尋知益州蜀人愛之任至龍圖閣學士

李繼成少孤事母孝母卒負土成墳晝夜哭泣至性所感
多有奇瑞郡縣上其事詔旌其門并賜粟帛

趙君錫字無愧安仁孫也幼喪母事父良規不離左右通
籍後以親老不求任進良規嘗謁文潞公君錫為御雜
立僮僕內潞公異其容止問而知之語其子令以為法
父歿知武彊縣累官給事中

劉幾字伯壽熒子舉進士范仲淹通判邠州辟幾佐馬邠

地南民病遠汲幾令浚渠引水注城中并鑿五池於通
衢以蓄之民大稱便孫沔薦其才累遷寧州兵馬鈐轄
又與狄青破儂知高進城湟使後以秘書監致仕

尹源字子漸博學強記舉進士為奉禮郎累官虔涇二州
刺史嘗作唐說及教兵十篇上之移判慶州時趙元昊
寇定州葛懷敏欲發涇源兵往救源遺書止不聽致敗
范仲淹韓琦薦其才召試學士院源素不喜賦請以論
代主試者不悅其言因列下策孫焯字彥明師事程明
道守敬以直內之訓終身行之紹聖初擢秘書少監以

提舉太平觀致仕

尹洙字師魯源弟也仁宗朝進士調正平縣主簿歷遷太子中允出監唐州酒稅韓琦知秦州辟為通判從事改太常丞知晉州終起居舍人洙內剛外和博學有識唐宋以來文風卑靡洙與穆修倡為古文以矯時尚文體為之一振

种朴夏州知州諤子以父任右班殿直累遷熙河蘭會鈐轄兼知河州時叛羌阿章入寇帥胡宗回使朴討之朴至州才二日請養銳以挫敵鋒宗回不聽促之戰遇伏

士卒死者萬數朴亦殲焉事聞贈雄州防禦使官其後
十八人

范雍舉進士為洛陽主簿累官資政殿學士元昊反出知
延州尋遷尚書左丞卒諡忠獻雍尚恕喜寬虛懷薦士
子宗傑陝西轉運使孫子奇以蔭補簽書推集賢殿修
撰召權戶部侍郎刪酒戶苛禁人便之後知慶州廣儲
蓄繕城柵嚴守備推誠待下羣樂為用以吏部侍郎致
仕

席旦字晉仲神宗時以進士擢為御史屢有建白任直學

古殿學士子益字大光歷官工部尚書

劉元瑜字君玉太常博士遷監察御史建言持國體直聲震於朝野

董傳字知和有詩名嘗在鳳翔與學士蘇軾相從蘇留別詩有云麤繒大布裹生涯腹有詩書氣自華魏公韓琦鎮長安傳贈詩云古來風義遺才少近世公卿薦士稀連韓薦而傳已歿聞者惜之

李顥字端伯才識穎悟元祐進士為秘書省校書奉二程語為師說正叔謂其才可大受及卒為文祭之有曰自

九
卷之八
三十一
余兄弟倡明道學以來能使學者信從願與劉絢咸有

力焉

舊時府志人偃師人
物今從宋史正之

孟厚字敦大從伊川學獨致其精勤伊川之葬門人畏黨
禍莫敢至者獨厚與尹焞張繹范棫邵溥送馬時稱高
義孟公云

呂希哲字原明公著子師事二程子元祐中為崇政殿說
書日以正心誠意進講稱不負師傅也徽宗時歷知曹
相邢三州為人樂易有至行遠近宗之封滎陽公弟希
純中書舍人並有學行

陳興義字去非歿和進士除太常博士高宗朝擢學士參知政事

种師中字真淑世衡孫累官奉寧軍承宣使金人入寇陣亡贈少師謚莊愍兄師道以蔭補三班奉職為經原都鈐轄知懷德軍詣闕上安邊議徽宗善其言賜襲衣金帶加檢校少師卒謚忠憲

翟興字公祥徽宗時與弟進偕出從軍時號大翟小翟興以進陵寢功官西京安撫使兼知河南府紹興初劉豫將遷汴憚興忠誠不能制陰遣人殺之事聞贈保信軍

節度使進以戰功擢西京北路制置使死于楊進之亂
贈中州刺史官其後五人興子琮繼父為鎮撫使亦以
勇畧聞

郭忠孝字立之篤志好學為伊川高弟舉進士累遷河東
路提舉靖康初名為軍器少監力陳和義之非改知永
興軍金人入寇或謂兵寡請以監司出巡可以避禍忠
孝不答與經畧使唐重分城拒守兵薄城以神臂弓殺
傷甚眾城陷死之贈大中大夫

趙思乾道進士以相國虞雍薦孝宗召見便殿除太常丞

淳熙初直秘閣尋以戶部總領兩淮財賦以廉稱任終
禮部尚書

張樞字公茂柳城人徙家洛陽家末避亂於蘇門山誅茅
為屋中祀孔子旁列周程朱邵司馬之象稱六君子焉
元世祖召拜大司農屢有建議蓋文獻

秦長卿以布衣徵至京上書發阿合馬之奸擢同知興和
鐵冶事以誣致死從子山甫建康府判官聞之棄官去
袁裕字仲寬元初為順德路總管

卜天璋字君璋至元中為侍御史同官以黷敗誣詞連及

辨而得釋後仁宗召見于便殿指謂與聖太后曰此不
貪賄卜天璋也其見重如此

劉濬為連江巡撫元至正中王善寇閩濬及仲子健拒之
三戰三捷復與慶戰陷陣死之健結敢死士詐為流丐
入賊中夜半發火賊驚擾健刃殺父者而出事聞贈濬
官官健古田縣尹

楊樸字太素洛陽文學除全椒縣元末寇驚行省叅政也
先遁去樸先殺妻女坐于聽事賊至指以大罵賊怒懸
于樹剝肉至盡聞者慘之

秦從龍字元子元時行臺侍御史避亂于江淮間明太祖訪得之命從子文正造廬聘焉載孥至京師帝迎於龍江關與同寢處凡有謀畫書於漆簡語秘羣弗知也及卒帝親臨恤其家命有司營塋焉

開濟字來學明初舉明經以助教罷職後御史大夫安然薦拜刑部尚書敏慧有才上考功圖日書所行以核勤惰太祖詔行之賜第京師凡經制科目田賦河渠諸大政悉資訪焉忌者傷之卒遇害

辛都字文華洪武舉人臨卽訓導擢給事中出知長沙府

逾年召為兵部右侍郎時交趾梗化命都往宣布威德
得使臣體有勅嘉獎卒於官

商賓永樂舉人累官禮科給事遇事敢言直聲聞於朝

程本立字原道洛陽明經明初為周王引禮坐事謫邊尋
以韓林纂修實錄出為江西副使道聞靖難兵入京師
自經死

周濟字大亨洪武舉人永樂時以劉觀薦用為都司斷事
辨蠡縣人誣獄擢御史鎮守大同中官郭敬僭橫詔廉
之濟易服負芻入其宅盡得其陰事上之尋擢安慶知

府歲饑振恤全活無算

張忠宣德進士歷監察御史剛正不阿持法平允遷山西副使

畢亨字文亨景泰進士擢御史出知福州府尋尹應天所至以清白稱轉糧儲都御史孝宗訪求賢吏中貴某以亨對上書於屏以識之亨聞之曰大丈夫受知人主豈可假中貴人口乎因乞骸骨歸

俞信景泰庚午舉人知汶上縣捐俸恤貧士賑窮民治稱廉惠

翟瑄字廷瑞祖壘以醫知名永樂中召赴南都寄居馬壘子觀生瑄天順進士除開化令擢御史出按南直隸廉不枉法吏人化之巡撫鴈門平王良李越之亂勅使慰勞拜南京都御史陞辭賜宴一時稱為僅事尋以刑部尚書卒官瑄與永豐令陶汝器善陶死撫其遺孤無異所出

閻禹錫字子興景泰舉人昌黎訓導曾以廬墓被旌聞薛瑄講學河東往受業焉守居敬窮理之說終身行之天順朝以薦擢國子學正上嚴學規復武學二事忤權貴

左遷徽州府經歷諸生乞留不允調南京國子監丞轉
御史督畿內學政取周子太極圖說通書為多士講解
一時學士向風焉家酷貧門人為之營殯事有自信集
若干卷

劉健字希賢父亮三原教諭有學行健舉天順四年進士
累官吏部尚書以學士入閣參機務時孝宗厲精求治
健亦自任天下之重凡進用大臣及時政得失言皆竭
忠無隱也又引李東陽謝遷輔政並稱賢相乙丑上不
豫召健等至卧前稱先生而不名健泣受顧命武宗初

政肅整健力居多耳後內臣劉瑾擅權健謝政歸聞上
數出巡邊輒泣不食曰吾死難見先帝矣世宗入承大
統遣使存問卒年九十四贈太師謚文定

白良輔字克佐淹貫經史與閻禹錫同遊薛文靖之門研
道學得其正要登景泰辛未進士歷官監察御史搏擊
權貴不避危險按山陝奸究遁跡貪黷聞風解綬轉太
僕丞進本寺卿卒於家所著有太極解律呂新書釋義
中庸膚見行世

潘瑄字廷璽天順進士授清豐令有殺人者不得其情瑄

附之深室夜聞密語鞠治伏辜稱神明焉擢御史督長
蘆譯又按遼東凡所興除皆關國計

翟廷蕙字秀夫成化進士擢御史出按山海諸邊軍民戴
之又按甘涼二州值甘州軍亂廷蕙兼程而往誅首惡
餘釋不問而州民帖然尋擢副使道忌者擠之因解職
去築渥西別墅以恬退終

喬縉字廷儀少穎敏師事薛瑄成化進士授部曹以都水
司治山東運道漕運舊由魚臺至臨清皆溯流而上光
次泗沂而外復有泉百七十餘歲久湮塞大阻運事縉

行郡得六百餘泉濬其要者合流于泗水而漕船大便
焉最聞遷兵部員外郎出為四川叅議治安釐之獄又
會討貴州叛苗事平賜文綺寶鏹以病乞歸所著有性
理解惑及河南郡志

史簡字公鑿成化進士由行人擢御史彈劾不避權貴兩
出按事以嚴明著聲出知蘇州府勤敏強幹不為事窘
又能博採羣言以資國計任至山西右布政

張文字道顯成化進士權御史按陝西風裁凜然往事按
臣主武事又援李蕩陽魁之士適中蜚語幾不能辨李

後金... 爲一代名流人始服焉劉瑾用事文拒不與
其... 之... 者... 不一顧也歷官三十餘年以
... 致仕歸如寒素田產償逋爲曩時縉紳之僅事
云

張瀾字道夫宏治進士授刑部主事歷臨鞏道關中爲劉
璽故吏瀾行璽托以家事且謀鄰邑腴產瀾拒之失璽
意故海滯者八年正德初授江西按察使寧王宸濠蓄
異志樂工秦榮殺儒生匿府中有司莫敢捕瀾窮治卒
抵于法會入覲宸濠陰使刺客隨之食蟹中蠱隕於道

王俊正德丁卯舉人知海門縣有治績以廉慎稱三子俱登賢書孫之鑰萬歷進士除涇陽令禁請託捕姦猾治蹟煥然行取授工部主事清積弊公羨不入私橐出知萊州府賑濟有方擢副使原額設兵前事者多所隱之鑰至廓清焉兵得實額以資保障自此始也子堯卿舉人任蒼城令

孫鳳正德進士歷官兵部郎中慷慨敢言武宗南巡鳳偕吏部員外夏良勝泣諫忤旨跪于門五日時撼骨鯁侯宣正正德進士歷知東昌府治績冠于一時

路直字敬夫正德辛未進士以兵部郎出知大明府洛陽志剏始於直後之踵修者悉本之

王冕字服周正德進士除萬安知縣會宸濠反冕募死士數千從王守仁救南昌解安慶圍又戰鄱陽湖賊懸重賞兵銳甚官軍不利冕白守仁以小艇駕葦乘風縱火擊之宸濠兵潰而逸冕追執焉事平爭功者忌之守仁白其事賞終不及也久之以兵部主事守山海關甫五旬而妖賊陸雄兵起力戰死之母亦遇害事聞贈光祿

少卿

吳瀚正德辛未進士累官都御史巡撫保定立堡置戍敵不敢犯時中官廖鵬擅威福流毒河陝既敗獄久不具瀚抗疏論之竟寘於法弟瀛鄉會皆與瀚同榜官至監察御史子三省三聘並舉人三樂嘉靖進士選館職歷任提學副使所至釐定文體卒官通政使

李天倫字叔重正德丙子舉人官戶部員外質直好學日以言不符行為懼

孫應奎字文宿正德進士除章邱令擢兵科給事劾冢宰方獻夫朝政肅然獻夫援汪鑑為助故凡有建白每批

尚書為人持風節不避權貴故所至有聲致仕家居結
同惡者數人為真率會詩酒過從歲無虛日

劉琦字廷珍嘉靖進士歷官兵科給事李特達之獄久不
決朝士波累極多郭勛黨逆煽禍竟致言者籍口琦上
疏極言之忤旨謫戍尋赦歸

元時熙字季美嘉靖舉人居京師見王陽明傳習錄慨然
曰道在是矣由學博選國子學正潛心理道以不及見
文成為憾時部曹劉魁謂得陽明之正傳時熙師事之

尋推戶曹權稅許墅關課足不私一錢也母老乞歸健戶三十餘年從遊者百餘人稱西川先生著有擬學小記聖諭行諸書

李士元字子仁嘉靖舉人西川高弟子為如臯教授諸生於人倫日用間體心性之旨一時學者向風焉早卒西川聞而泣曰士元死吾道孤矣

王傳嘉靖初進士除陽城令行取郎署出知潞安府不煩一矢而平景始之亂稱能焉尋以山東副使致仕

陳大壯字子晉童年入庠稟夙慧有名諸生間適以人命

受誣併兄大有悉擬抵歐陽御史雪其寃試以文大奇之嘉靖戊子發解與兄同拔大壯官戶部郎中尚氣節不阿時好著有易辨學庸或問孫心傳進士官行人司董汝豫字四溪嘉靖舉人任神木令邊士不知學為立社講業文風振起又製紡車教民織作至今呼董公車焉李之本嘉靖舉人授漳縣令有武弁十餘人赴京謁選之本疑其狀貌取文引勘不合廉之知巨盜襲殺本官冒冕赴闕者悉置於法事聞擢代州知州

張松嘉靖戊戌進士累官都御史總督宣大甫之任會土

寇據龍門松選精銳出不意擊之賊大潰逾年復發前
後十數戰盡得其魁殲之稱寧貼者數十年皆松之功
朱用嘉靖戊戌進士官刑部主事歷陝西左布政使

邢泗嘉靖舉人授信陽令以惠稱臺使行部至縣橫索非
禮泗鑄門列其暴跡欲上之使者窘迫歛語以泗名首
薦泗日某循職耳安用薦為况由此階升寶恥之即投
劾去

荀天常嘉靖舉人官戶部員外列上考孫虞龍蒲州知州
虞夔安化知州並廉直有祖風

謝江字仲川嘉靖丁未進士西川高弟子時山陵役盛江
為工科給事約裁冗費數萬分宜節之議功祇增奉一
級先諫世廟南巡後劾趙文華縱恣三予廷杖罷歸講
學與李天倫等互相研究朝夕不輟穆宗立屢薦不起
著有詩文全集及滋心語錄

吳道行洛陽庠生從西川遊安貧守志人以顏子擬之

劉衍祚字叔嗣嘉靖進士任潁州太守潁數多盜衍祚至
設堡樹旗盜皆就縛改知大同晉臨清副使調因原兵
備殲巨寇稱能焉俄遷浙江參政乞終養不待報而歸

結惇誼崇雅二社布衣扉屨見者不知為達官也

沈應時字子易嘉靖進士除長子會貴戚鮑朗豪橫應時盡法治之自杭守遷兵備道奏督兵趙文華侵蝕軍儲數十萬分宜手札脅之不為動嵩怒遷涼州叅議旋撫西夏有教忽動小松山白城子諸捷累官戶部侍郎江陵相欲借時望要眾心擢為南京工部尚書辭職歸

劉贄字子禮嘉靖進士初授平陽府推官擢禮科給事陳時政以進賢遠奸為第一蓋篤論也督三殿工諸曹陰懷染指贄正色斥之晉通政司叅議同事者攻之謫鳳

陽推官值守陵太監擁蓋走陵下贊撤去之後以臨清副使致仕築室西郭要同志為敦誼會有終焉之志故事不徵河懷兩府荒地時有議徵為宗室奉者贊詳繪○地形援往籍上之當路得報罷焉

溫如春嘉靖進士知清豐縣歲饑為粥賑恤全活甚多詔賜金幣褒之蓋異數也累遷福建右布政司以老乞休復舉耆英社鄉耆爭集馬弟如璋丙辰進士累官僉都御史按直隸蘇松累殲巨寇尋撫保定後移陝西致政歸

陳麟字道微嘉靖進士除河間推官蒞任之夕宿于廟聞
哭聲迹之得婦人屍廉得張姓奸脅至死情坐之法有
兄弟訟產者歎語化之交讓請罪而去擢禮科給事以
言事廷杖輿疾歸惟自責無怏怏意家居奉菽水外日
與謝黃門從西川講學著有歸田錄行世

董堯封字叔化嘉靖癸丑進士除推官擢侍御史值三殿
災蜀省困於採木堯封奉命巡按嚴戒驛騷公私俱濟
歸按順天時順義被圍密疏戰守機宜間道上達世廟
嘉納之後與相國徐階論兵事語及堯封上稱董御史

而不名擢操江都御史忤執政調外再起撫甘肅是秋
敵大舉入寇以有備遁去仕終戶部侍郎著有奏牘及
文清粹言行世謚公敏

方時學字敏之嘉靖進士授安慶推官時望當首推以藩
姻例遷潞安府同知擢知東昌府未期百廢俱舉會景
藩就封為忌者所中罷歸里稟性孝反俸餘與弟共之
史官嘉靖癸丑進士除陶令擢御史轉知鳳翔饒州二府
所在有惠政

王正國字佐之禮科給事按延安吏治分宜嫉其剛正遷

大理少卿多所平反轉南京刑部侍郎江陵方構新鄭
正國以鄉人故同時罷歸杜門謝客屢徵不起

楊士廉嘉靖乙卯舉人歷官知臨洮府開河州水利清沿
邊軍餉洮民至今食德

李之在嘉靖舉人除海豐令愛士惠民為吏治之冠累官
戶部郎中嘗奉命南中地多珍產之在潔己勵操一無
所取秩滿乞歸遂不復出

許乾字伯貞嘉靖乙丑進士任河間推官擢御史所在有
聲介節不苟以忤時相左遷永平知府

楊松嘉靖乙丑進士除山陽知縣擢御史巡視西城時中
官黃雉以書休日私出微子錢開于市松究之監校詭
以旨召松驗無實以誣奏削籍尋為陝西副使

劉澤演字子延隆慶舉人知靜寧州有政聲年九十九尚
能作楷書進人求請不倦稱為人瑞

楊歸儒字季中隆慶辛未進士初知涇陽歷臨江守郡豪
倚江陵勢欲奪教清江第歸儒堅不從遷淮揚鹽運使
羨金盡歸公帑一時稱為僅事晉隴西道邊事方殷整
兵儲餉賊遠遁去再擢貴州左布政以疾卒官

劉奮庸字誠可隆慶進士除武選司主事改翰林待詔侍
穆宗于藩邸及即位用為尚寶卿上保養聖躬五事語
侵執政高拱高卿之而給事中余夢桂程文又助高攻
馬摘興國知州神宗立起為僉事提學山陝兩省士風
丕振兄登庸保定推官卒于治奮庸聞赴即掛冠護喪
歸結廬南隅足跡不入城市

王職字君任萬歷甲戌進士時京師園花冬開又有白鷹
集于翰苑相國引為嘉瑞言於朝眾附會焉職獨以為
白貪無色殆厭文勝也冬非花時開先謝必早大忤時

相意除大同知縣又不能事監司七月鵠職歸

魏養蒙萬歷丙戌進士初授解州推刑部員外為湖廣叅議與湖帥陳璘合謀征播軍中有犯律者環甲露刃而前養蒙迎之曰欲劫爾帥乎違法者禍及累世眾悚然服罪時楊應龍屯兵海龍圍其高千仞養蒙密令健卒緣木猱升搗其穴殲之又征五靖苗戮渠魁吳國佐累官兵部尚書卒予祭葬

劉廣業字維約萬歷己丑進士授虞衡司主事歷陝西平鳳副使調固原為套敵出沒之地廣業日咨兵畧先事

防飭軍威大振敵戒曰固原有劉公不可犯也又奏築邊垣數百里單車塞上督工彌月詔賜金勞之廣業久歷戎馬識時務凡所籌計武臣皆不能及

張舍美字孟美萬歷舉人除寧縣令歷通州守能詩著有白雲集

徐守謙萬歷進士授榆次令撫流遺均水利多有治績有選人借費入官已取償會質主病卒於道其子誣選人殺之守謙廉得其實抵誣者罪人稱為神擢監察御史何麓字小翁萬歷辛卯舉人先世江南人麓高祖晉紳以

指揮鎮洛遂家焉麓有異稟日記萬言所作詩古文豪
宕闕肆傾其輩流初任儀封教諭擢沁水令辨晉藩疑
獄有能聲寔歸後歷山陽翼城靈壽三縣擊敗獮賊山
陽尤著治行致仕歸令子與姪均產子宜健萬歷舉人
阜城令好學知醫著有桐花館文集宜發庠生亦以文
學著孫玉如養母至孝順治進士歷任大同知府圭如
柏如江如並登甲科人稱為世德之報

牛從極萬歷辛卯舉人歷官雷州知府先時貸邑人侯郡
丞金五十貧不能償聞侯病將革沐然曰若不結此局

即償沒後亦負生前矣因鬻產就侯榻付之其介如此
張以謙字本厚汝州籍洛陽人萬歷己未進士初任陝西
洋縣令以水利稱最歷刑部郎出知武昌府時災變殊
常議賑貸全活無算郡臨大江以謙捐俸為石岸水患
永除居民建祠祀之遷沔岷副使嚴飭邊備以與軍府
齟齬解綬歸再起湖北叅政卒官

喬允升字吉甫萬歷進士知大谷縣擢御史以鯁直聞天
啟初拜刑部尚書魏忠賢目以允升為趙南星黨嫉之
移疾歸懷宗立召復故官治錢千秋獄稱平允焉

秦道顯字如晦萬歷乙未進士除蒲城令調臨汾却宗室
金鳳裁大著改儀部郎出備兵海上璫黨王萬經焚淮
民金數百萬遁海島道顯以計擒之一時稱快適十數
倭夷失風入境武弁飾為夷俘道顯拒之曰殺無辜邀
功吾不為也卒官叅政稟性孝友家財分給子姪後嗣
三世同居推士人領袖焉

王從善萬歷丁酉舉人知伏羗縣值猗賊之亂環甲拒戰
賊敗走明日復至再戰陷伏死之

郭維寧字懷德萬歷丁酉舉人任壺關令邑居衝為窩盜

之數維寧執首惡除之全郡貼然遷石屏州知州
許世德萬歷丁酉舉人除涑水令著有雲樵子集兄世貴
丙子舉人授萊陽令並有政聲

董維城字岱州萬歷癸卯舉人除陽穀令擢蘇州知府所
至有惠政引歸以孝友立教人以荀淑比之

楊萃萬歷癸卯舉人官賓州府知府城陷抗節死

董定策堯封子萬歷甲辰進士真定推官擢侍御史時朝
士多借講學名立幟為黨定策薦曹端尤時熙孟化鯉
三賢子朝曰古人以學為講後世以講為學其甚矣

講事舍己議人其風曰下語切時弊忌者劍目疏凡三十餘上出按甘肅敵肆焚掠奏劾大將軍以下數人邊政肅然甲子諸鎮乞歸不待報輿疾至武功卒

范宗文萬歷甲辰進士授陽穀令有惠政士民戴之擢刑部郎多所平反教親睦族待舉火者嘗數十家

郭鳳翔萬歷舉人知衡水縣值隣疆寇警郭曰是將及我曷乘不意殲焉選精銳迎擊大破之隣危亦解歷任臨洮鄖陽同知卒於官

邱起鳳字見有萬歷己酉舉人知朝邑縣擢深州知州博

學士詩

吳世揚舉人知黃縣值兵亂捍禦不遺餘力城陷罵賊死
之贈光祿少卿給祭葬

張應辰字環北萬歷丙辰進士除推官嘗曰枉法行私殺
人媚人死不敢為故所部稱平允焉監鹽引巨商某遺
金囑事竣却之考滿擢御史聲震於朝有中貴殺人司
禮監欲翫法出之應辰上其事卒正罪按廣東尋撫甘
肅練兵習戰一月屢捷以勞卒官後事者請卹之疏有
云在側家僮數人隨身撲被數事蓋誌實也

郭興言字慎甫萬歷丙辰進士由推官歷陞入僕卿中官
郭守仁張陵雲皆魏忠賢黨也侵剋帑金特疏糾之陵
雲遣人遺賄入洛求解其子永祚祚首于郡興言以聞
寘之法歸里後闖賊熾張興言捐金募卒守陴城賴以
完者數年自興言歿而城失守云孫烜寇至失母尋親
陷賊壘十年方歸竭色養人稱孝子

賈體心布衣豪俠傾家貲招集流亡而自安疏布鄉人德
之子之彥辛未進士

郭顯星字冲斗萬歷戊午舉人官許州學正擢翰林院待

詔致仕家居城陷抗節死

董維翰字鳴喬萬歷戊午舉人母老侍疾不樂仕進里人以至孝稱之子篤行字天因順治進士官副都御史

邢紹德萬歷己未進士官侍御史出按江西執法懲貪吏治為之一振

潘倬字升允天啟壬戌進士除推官擢御史出按順永剛直有鐵面之稱倬姪元標丁卯舉人任臨淮令時水旱頻仍積逋為累元標固請于水吏得盡蠲之而民始蘇息

來東衡天啟甲子舉人城陷被執羈于南郊語其友曰我
義不受辱恨母老子幼死不瞑目爾賊蕪鐵繩繫之罵
不絕口而死母劉氏妾吳氏幼子受俱見殺同時死難
者尚有杭嚴簽事郭一鷗濮州知州張其瑾平陽推官
常克念英山知縣史良植行人司王明介休知縣宋國
翰邯鄲知縣韓金聲黔縣知縣杜宏廣靈知縣阮泰汝
陽訓導杜敦伊陽司訓任中蛟舉人劉芳奕荀良翰指
揮使張星耀庠生劉宗張鷗秦道興董躬行郭應第民
人李化鯨劉顯皆抗節隕身爰得附載以垂不朽

郭景昌字麟生崇禎戊辰進士除津令擢御史上平寇十議并陳樞相楊嗣昌內督高起潛罪伏忤旨謫戍

國朝徵為嶺南副使

常庚崇貞舉人順治間除廬陵令值金聲桓之亂城陷死之給祭蔭其後

蕭應聘崇禎舉人順治間除阜城令擢部曹出知臨江府晉驛鹽道豫省漕糧故事徵銀買米起運後因兵餉改折康熙二十一年京儲不敷仍令各省運米越境採辦民甚苦之應聘力陳其害豫撫王曰藻據情疏請竟從

改折之言今會城學宮旁刻石記其事

董昌言字禹好順治戊子舉人少孤事母孝除扶溝教諭
闡洛閩之秘學者宗之尋補新野教益勤士人愛戀之
歸里給淡如會著有漢宋忠列論皆根理道

李茲發順治五年授旌德令時徽寧土賊為亂鄉民郭二
導賊人旌焚掠村落官兵又串合書吏誣良求賂為害
尤劇茲發悉其弊選練長數十人編竈丁屬之聽其指
麾以備緩急賊至親驅練長擒捕逾年殆盡

郭一鶚字漢冲順治己丑進士選庶常改給事中敢言稱

鐵漢馬歷任廣東左布政司值海寇警議徒瀕海居民
一鶚先倡僚屬出俸安插全活甚多著有太極圖解及
章奏稿若干卷

張忠孝字雙全幼孤育於外家郭氏闖賊陷洛郭一門殲
焉忠孝被掠去後應楚提柯帥之募以功領中軍平長
河賊貴州苗裏創力戰猱呼為鐵山云遷福漳副將調
辰州又平紅苗之亂連克十餘峒寨會楚兵裁餉糧噪
變陷武漢黃德諸郡忠孝兼程進發窺賊營未定薄柵
下獲將而八斬賊千餘復搗賊壘後以功授湖廣總兵

官先以郭姓從戎尋復本姓後嗣世職皆入彘陵籍

董正字無邪以明經除汝陽訓導父孕醇潛心理學正成
童時守庭訓循循有規矩事繼母王如所生以文行有
聲於時修河南汝寧郡志汝陽縣志後人折衷馬子駿
發字蘭臺邑廩生教行克世其學康熙庚午洛中大饑
駿發出積儲三百斛分給族黨有以券來者悉焚之

董嘉字字唯信景行子嗣都御史篤行後勵學行悖族誼
有族孫某家貴州貧不能歸嘉字適變產傾囊出六百
金與之性孝友教諸子弟無異己出子萬山進士內黃

教諭萬戶貢生四川江南令萬石國子生萬連萬育並
貢生

袁拱字紫辰康熙壬戌進士改庶常終廣西右江僉事時
逆藩甯平各省猶苦徵餉拱悉時務協機宜凡所指陳
樞省皆取決焉洛陽貯穀舊議極多拱洞悉其難陳於
當事減十之九至今出陳有節而買不病民皆其果決
敢言之力也子昌齡癸卯舉人孫甸乙丑進士

何鏗字子光貢生幼從父玉如官錢唐地卑濕中足疾鏗
戶力學博心窮蒐稱該洽為名流所傾折自號竹溪散

人子兆湛翰林院典簿銓贈如其官

郭如峨貢生授禹州司訓遷山西垣曲令有曲沃人秦興採木垣邑主王成家成異母弟王廷娃伺其出而殺之如峨察成非罪陽囚之密飭謹愿者伺於外數日獲廷娃詢明服辜一時號為神明

郭岷鎮字青城庠生資純力學讀書窮晝夜隱几寐不近床席夜輒數起時時達旦母陳病革牽衣泣母謂曰兒苦不復見母耶吾見若若志歷三十年矣學勤弗輟猶日見母也自是益不敢懈父一瑀喜結納座客常滿岷

洛陽縣志 卷之八 人物 李邦
鎮備竭色養故人無不樂就郭學博飲者于世奇乾隆
丁巳進士文行有稱一本家學云

張所修字子揚康熙戊子恩貢生性至孝父獨居屏葷酒
終三年乃復力學嗜古澹進取兩舉孝廉不起與弟司
訓振修友愛甚摯卒世不析爨簡冊共披豆觴互舉自
少至老無間也先是所修之父奇勲多善行嘗誡其子
曰吃盡人虧是好漢償清書債是男兒斯言所宜三復
所修兄弟佩之終身為克符其志云子雄文廩生孝友
世其家母亡一慟而卒雄圖以博學宏辭徵辛酉舉鄉

薦事季父如父撫孤姪如子兩世同居亦克紹父志云
董一世字覺菴孟津籍洛陽人知州爾性子康熙丁酉舉
人孝事繼母讓美產於兄弟遇窘乏復以己貲助焉乾
隆癸亥舉鄉飲賓先後以耆碩赴公車

特旨獎予給國子學正御尋加內閣中書歸擁麟服鄉隣榮
之




Figure 1

Figure 2

Figure 3

流寓

附洛陽為累朝建都之地人文踵接載之不勝其繁惟有著述見於史乘文集者誌之

餘不敢
撫拾

司馬談長安人先世為周太史武帝始建漢家之封故留
滯周南不得從事子遷遠遊見父於河洛之間執手而
語言史事之未竟遷伏首流涕受遺命爰次舊所聞作
史記承談志也

韓安國梁城安人後遊洛陽常受韓子雜家說於騶申生

見史記

劉昆字桓公陳留人王莽時避地於負犢山中光武擢用

累遷弘農太守有異績賜第洛陽以千石祿終其身

班超字仲叔扶風人弟固為校書郎在洛超隨母入京家貧常為官傭書一日投筆歎曰大丈夫當效傅介子張騫立功異域以取封侯安能久事筆硯乎永平間奉使西域封定遠侯固字孟堅在洛作漢書其八表天文志未竟和帝詔其女弟昭詣東觀續成之

丁鴻字孝公永平時與諸儒論定五經同異於白虎觀時人語曰殿中無雙丁孝公言其辨論明晰也

范逵童時遊太學勤於考古不與人事著左傳國語解詁

五十一篇永平中上之顯宗詔重寫藏於秘府

王光字仲任會稽人寓洛家貧無書常遊洛陽市閭所鬻書一覽輒能成誦後通百家之言

任末字叔本蜀人少遊京師友人董奉德歿於洛末躬推鹿車載喪致其家由是知名於時

郭泰字林宗介休人居洛人莫之識陳留符融見而異之介於河南尹李膺膺曰吾見士多矣未有如林宗者遂與為友名震京師兩賢同舟而濟望者比之神仙

袁安字邵公汝陽人寓洛直大雪僵卧會洛陽令以事按

行至安門啟戶見之詢安何以不出答曰大雪皆飢不
宜干人言訖復卧

劉弘字和季沛國人與晉武帝同居永安里共研席張華
甚重之後為荊州都督

華佗字元化譙人魏時流寓洛陽善養生之術壽百餘歲
趙至字景貞代州人童時讀書見父飯牛而泣師問之願
得榮養以息父之勤勞後遊太學遇嵇康寫石經徘徊
不忍去以文學著名於洛

陳壽字承祚巴西安漢人晉初為御史治書作三國志歿

於洛陽范頌之奏其遺書武帝令河南尹就其家寫焉
陸機字士衡雲間人同弟雲字士龍與七入洛王公聞其
名爭迎至馬值趙王倫之亂為孟玖所譖兄弟同時遇
害

顧榮字彥先吳郡人在洛與二陸齊名稱為江東三俊趙
王倫以禮致之先時榮於食次見行災者有欲災之色
輒以與之倫誅榮亦見收賴行災者救而免從元帝渡
江位散騎常侍

索靖字幼安敦煌人見晉政不綱指宮門銅駝歎曰會見

汝在荆棘中耳已而果然

葛洪字稚川句容人以儒學知名太安中入洛搜求遺書
恣博覽著西京雜記及建武永平故事各二卷

左思字太冲臨邛人以妹芬入宮流寓京師欲作三都賦
諸著作郎張載訪岷邛之事措思十年門庭藩溷皆著
筆紙賦成以為不籍班張恐言以人廢會皇甫謐有高
譽造而示之謐稱善為之序焉

褚陶字季雅錢唐人與潁川荀隱流寓洛陽名齊二陸張
華為陸士衡曰君兄弟龍躍雲津顧彥先鳳鳴朝陽謂

已盡東南之寶不意復見褚生士龍與隱同詣張茂先
張戒勿作常語雲曰雲間陸士龍荀答曰日下荀鳴鶴
一時以為名對鳴鶴隱之字也

張翰字季鷹吳郡人縱任不拘號為江東步兵偕賀循入
洛因秋風起思吳中菰菜鱸魚膾曰人生貴適志何能
羈宦千里以要名爵乎遂命駕歸

諸葛宏年少入洛負敏質未嘗學問王夷甫語之曰卿天
才卓出若復小加研尋便一無所愧宏退誦老莊更與
語直相抗衡焉

蔡洪吳郡人入洛應舉人問之曰君吳楚之士有何異材而應選舉乎蔡曰夜光之珠不必出於孟津之河盈握之璧不必產於崑崙之山大禹生於東海文王生於西北聖賢所出何必常處閭者歎服

孫登字公和汲郡共人入洛居北邙土窟夏編草為裳冬被髮自覆好讀易常操七絃琴性無恚怒以此人樂就之嵇康阮籍常從之遊登謂康曰子才多識寡難乎求免道之隱康不從故及於難登築嘯臺於蘇門山隱居不出

董養字仲道陳留人晉初入洛居城東步廣里有卓識後與妻荷擔行蜀道竟不知其所終

潘京字世長武陵人舉秀才至洛尚書令樂廣與語歎曰君天才過人恨不學耳京因憤志詩書終身不倦

裴無晦唐時袁州刺史生八子皆舉明經無晦治第於東都仁和里八院相對次子寬後為河南尹以剛直聞

朝衡日本人唐開元時為校書郎寓居於洛儲光羲贈朝詩有出入蓬山裡逍遙伊水旁之句

駱賓王孟浩然劉長卿許景先陽嶠耿滯張籍劉禹錫劉

太白李紳賈島李頗李撝鄭谷白居易李德裕鄭元牛
僧孺韋應物韋莊裴度姚合皆唐時人先後流寓洛陽
並見全唐詩集白尚書致政後賜第於履道里又修香山佛寺
鑿八節灘游履往來吟咏稱極富焉

盧仝范陽人隱少室山時居洛城稱玉川先生韓昌黎有
寄盧仝詩

劉真廣平人鄭據滎陽人張渾清河人盧真范陽人胡果
安定人吉皎馮翊人唐末同時寓洛結七老會並有詩

全唐詩集載祇六
人其一無可考

張策字少逸五代時敦煌人父同徙居洛陽敦化里策博
聞彊記適浚井得古鼎銘曰黃初元年春二月同信之
策曰魏文建號黃初十月受禪是年三月仍是建康此
銘偽也時策年才十三聞者異之開平初以刑部侍郎
致仕

上彥昇蜀人同光時居洛宋初官原州禦防使西人畏之
張諱字布賈開封襄邑人少孤好學諸父嘗命督耕往則
閱書樹下屢遭詬辱詣洛陽龍門書院讀書與宗人沆
鑿湜結交名聞都下後唐長興中和凝掌貢舉擢第薦

於宰臣桑維翰拜為左拾遺

魏仁溥字道濟汲縣人幼孤貧母為假黃縑製暑服仁溥年十三歎曰為人子不能養乃使慈母求貸衣我乎濟河沉衣中流言曰不貴達誓不渡此河居洛有年周世宗時宮中書侍郎平章事宋興進右僕射

符彥卿字冠侯存審之子陳州宛邱人長女適周世宗即宣懿皇后封魏王領天雄軍節度宋初移鎮鳳翔彥卿善用兵契丹畏之呼為符王病歸居洛春月常乘小船獨遊僧寺名園優游自適人爭羨焉

張澹字成文由南陽徙居河南幼好學有才藻晉開運進士桑維翰器之妻以女仕終祠部郎中

趙迥蘇州人宋相國普之父周末徙洛後以子貴封樞密院使

李建中字得中京兆人奉母居洛聚徒講業仕工部郎中愛洛中風土前後三求掌西京留守構園池號曰靜居每值山水勝處輒有題咏

張載字子厚秦人以邵程諸子在洛載詣講學溫公司馬光亦自陝來會時以五賢聚洛為周召以來之僅事云

李若谷字子淵徐州人少孤遊學依姻家趙况於洛登進士仁宗寶元初叅知政事時讒者忌范仲淹諸人誣以朋黨上震怒若谷力諫得悟為詔諭於中外

文彥博字寬夫介休人天聖進士歷事四朝任將相者五十餘年封潞國公元豐二年以太師致仕居洛與富弼席汝言王尚恭趙丙劉几馮行己楚建中王慎言張問張壽司馬光王拱辰倣白居易故事就瑯第為尚齒會名曰耆英圖形於妙覺僧舍温公序其事甚詳

馮光字君實夏縣人舉進士累官資政殿學士元祐間

罷相寓洛陽築獨樂園自號迂叟與邵雍程顥友善在洛十五年成資治通鑑上之哲宗即位拜左僕射

范祖禹字淳甫登甲科從司馬光在洛通鑑書成范與有勞焉尋授秘書正字王安石愛重之拒不往時富鄭公致仕居西京罕與人接遇祖禹特有隆禮鄭公遺疏極詆新法屬祖禹上之

按司馬光與劉放劉恕及子康同修資治通鑑則其時寓洛者固不止范

公也

楊時字中立將樂人登熙寧進士調汀州司戶不赴就學於二程子及歸明道目送之曰吾道南矣後又訪伊川

於洛時年已四十一日與游酢侍立於庭甚寒門外雪
深一尺

邵雍字堯夫范陽人幼隨父徙共城雍厭俗學游歷梁晉
間至洛曰道在是矣因僑寓洛城蓬門環堵不蔽風雨
鄭公同溫公治第留之扁其堂曰安樂窩春秋出遊乘
小車惟意所適士大夫家爭相迎候輒以一見為榮所
著皇極經世編擊壤集漁樵問答而洛中吟咏尤多
薛繼先字曼卿猗氏人三赴廷試不第南渡後隱居洛陽
西山事母至孝與人交謙遜和雅洛人化之

辛愿字敬之福昌人博通書史作文不拘繩尺而多自得之趣治中高延玉引為上客

張澄字仲敬遼東人金太安時移洛早孤能自樹立常從辛愿學又依元好問於內鄉執業焉詩名籍甚於時

劉昂字子昂興州人有文名自成一家言詩得晚唐體尤工絕句大定進士為平京副使遭當塗之忌卜居洛陽有終焉之志

張巖叟字孟弼五臺人大定時登第沁南節度使卒於洛姚樞柳城人元初避居洛陽肆力程朱之學仕至昭文館

大學士

陳天祥字吉甫寧晉人以兄祐仕河南徙家焉少肄軍籍
善騎射值李璿叛授千戶屯三河口防宋兵事平罷歸
居南山躬耕讀書至元中累官御史中丞

周洛字彥博其父僑居洛濱故生子即以洛名焉詞藻綺
麗洪武時宋濂賦游山歌贈之

虞廷履陝西人元末官河南府後居焉子孫世為洛人

崔譽山東滕縣人任閩鄉訓導慕洛中山水徙居焉卒塋

卽山之麓

呂維祺字介孺新安人萬曆癸丑進士曆宦南京兵部尚書被劾去職父孔學避賊洛陽維祺亦時往來明末闖寇攻洛維祺分守北城或勸以去不應城陷被執見賊渠於周公廟按之使跪維祺仰目視天不為動賊曰倔強將不畏死也答曰吾不能誅逆賊以靖國家深用為恨死豈所怖哉因延頸就刃與福藩同遇害年五十有
五贈太子少保謚忠節

郭如星字方壺新安進士官給事中居洛數十年屢言時政以蘇民困郡人德之孫玉衡玉璽俱學官

卞為麒字圖閣遼東人萬曆舉人天啓末官歸過洛卜居
馮卒葬邱山子雲龍河南衛指揮龍永和知縣

余 字斗冲寧國人崇禎舉人父以儒官仕洛遂家焉

徐泰澆池人寓洛官同知治下有能聲

陳靖建蘇州人賣藥洛陽市流寇陷洛被害見通志

國朝邵進字晉人餘姚人康節裔孫講良知之學兩浙名卿多
出其門晚年流寓洛陽杜門著述卒葬邱山

徐名立山西人由洛陽尉擢臨江府經歷久官洛陽有終
焉之志子三俊遼州知州三統候選州判皆隸籍焉

方伎附

杜夔字公良知音樂漢中平時為雅樂郎以疾去官值亂
依荊州劉表表令與孟曜酌定雅樂既成表欲庭觀之
夔曰將軍非天子不當合樂於庭表納其言而止後表
子琮降魏太祖以為軍謀祭酒叅太樂事復古制皆夔
力也黃初中為協力都尉工人柴玉以巧見知夔令玉
鑄銅鐘數毀改作玉疑其清濁任意頗拒捍夔白於太
祖因取所鑄雜錯試之夔言悉當見魏志

趙達漢末避地東南精于算術言無不中有難之者曰測

得物較易測飛者難達令取豆數斗傾于席立處其數
驗覆果信故交某設食邀達謂曰倉卒乏酒有如何達
取者從橫再三云東壁下有佳釀鹿脯何言無也適座
客有能得主人情者主不敢匿謝曰以卿善射故相試
耳其驗類如此孫權每有征伐輒令達推步皆如其言
問其法終不語閑居引筭自校嘆曰吾筭訖盡某年月
日其終矣後如期死權聞達有書求之不得乃錄問其
女及發達棺無所得其術遂絕焉

見吳志

孟欽善左慈劉根之術符堅召詣長安惡其惑眾留燕酒

醉目左右收欽欽乘風飛出頃之有告在城東者令符
融騎追之垂及忽失或有兵衆拒戰或前有谿澗騎不
得過竟不知所在堅歿復見于青州符朗購之尋入海

鳥

見晉書

張文仲武后時尚藥奉御明醫理辨風氣尤悉武后集諸
言方者與之辨論文仲曰風狀百二十四氣狀八十治
不以時皆死惟頭風與上氣足氣藥可常御病風之人
春秋末月可使洞利乃不困劇自餘須發則治以時消
息乃著四時輕重術凡十八種上之

見唐書

宋單父能詩善種藝術植牡丹變易千種紅白間色上皇
召至驪山植萬本各色各別無委棄者賜千金歸宮人呼

為花師

人見具錄

殷文亮任某縣令多巧思刻木為人衣以繡繪次第酌酒
行觴雅善笙歌且能自然應節設飲不盡把盃者止而
木妓歌管向客連催終莫測其神妙也

王處訥少時遇一老父煮石食之又夢人持巨鑑中星宿
剖腹納之覺而開悟言古候多驗後漢高祖知之用為
司天監周世祖雅與相善及入汴訪而得之問制祚胡

短對曰人君未得位時皆務寬大迨後尋思讐怨輒嗜
殺人欲祚長得乎周祖聞而太息適將孥戮蘇吉劉銖
等家因處訥言遽命止之入宋仕至司農少卿言歷事
甚悉

見宋史

李慶嗣讀素問諸書洞曉其義天德間病疫而廣平尤甚
貧者往往闔門卧病慶嗣分藥與米遺之全活甚眾年
八十餘卒所著傷寒纂類四卷改證活人書二卷傷寒
論三卷鍼經一卷傳于世

見金書

程彥澤明道後高元末自稱浴下遺民遊五湖得異傳隱

沈氏集言 卷之八 三
于術以神醫名

明徐一夔有洛下遺民傳載之

畢宗義中丞亨少子究心術數常過新營歎曰此甚凶後禍纏綿矣主人聞之召地師與相質師曰地卧牛形山水皆合局何云凶畢曰地形誠如所言奈係牡牛性好舐觸何問其驗曰去穴若干步下三尺許應有異物去此則無事矣如其言掘之果得二石卵大如升眾皆歎服

趙玉璧精醫術彈指決生死極有神效伺其門者繹絡不絕也後馮國鎮治小兒疾有異傳與趙同稱焉

國朝

王良策字鳳池由山右奉母遷洛工醫效如神翟某患背
負痛三十年矣良策曰是有物須出之為傳藥拔箭鏃
少許翟不知何自來也其他妙驗皆類於此

仙釋附

有出者錄之俗傳誕說不敢泛列以爲見聞

東倫好道服黃精二十餘年周厲王時事老聃授以通真經能輕身飛步凌波涉險變化不測漁獵不能得有病者與倫同處經宿而愈

王子喬周靈王太子晉也生而神異好吹笙作鳳鳴遊伊洛間道士浮邱公延入嵩山三十餘年後桓良于山中遇之謂良曰語我家七夕待我於緱氏山至期果乘白鶴駐山巔望之不可到舉手謝時人而去

並見列仙傳

摩騰天竺人解大小乘經漢明帝遣中郎蔡愔等往天竺

求佛法遂與俱至帝嘉賞立精舍於西門外處之漢地

沙門自騰始卒塋白馬寺

見高僧傳

竺法蘭天竺人誦經數萬為天竺學者之師時蔡愔至月氏蘭與騰共契遊化相逐而來既達洛陽少時便善漢

言愔于西域獲經多蘭所翻譯卒塋白馬寺

見高僧傳

蒯子訓不知何許人好道漢建安末至洛陽公卿以下候者數百人子訓為設酒脯終日不匱後適去有人於長安東灊城見與一老人共摩娑銅狄相謂曰適見鑄此已近五百歲矣呼之旋而走視若徐步然追奔莫及觀

志物

阿羅竭未詳氏族晉武帝時常至洛陽時患疫竭為咒治
之十瘥八九元康初止婁至山石室中去水其遠竭以
左脚碾石壁壁陷水出比卒焚燼累日尸不能燼仍移
還石壁瘞之覩晉書

佛圖澄西域人本姓帛氏永嘉中來洛善念神咒能役使
鬼物以大麻油雜胭脂塗掌千里外事皆徹見掌中聽
鈴音言事舉無不驗左乳房有一孔通腹內以絮塞之
夜坐拔絮出則一室洞明或臨流自孔引臟腑洗之已

復納入石勒石虎皆敬事焉死之日虎既殮澄疑其詐發墓視之棺貯一石而無尸虎曰石者朕也葬我而去吾將逝矣未幾虎死

耆域天竺人晉惠帝時至洛陽問以前洛陽宮殿域云彷彿似忉利天宮但自然之與人事不同耳匠此宮者自忉利天來成便還天上矣屋脊瓦下應有千五百作器證之匠氏果如其言

並見晉書

無畏釋伽季父甘露飯王之後生有聖姿年十三讓國于兄居海濱殊勝恭法華三昧又受法于本師解三藏將

遊中原夜次河無津梁浮空以濟先至長安太宗時隨
駕幸洛詔居聖善寺請還國不許尋卒碑載藝文

曇謨最融光寺僧講控槃華嚴經僧徒千人天竺國胡沙
門菩提流支見而禮之流支解佛義曉魏言書翻譯諸
經每讀曇謨最義大乘章輒嘆微妙以胡書寫之傳于
西域今稱謨最為東方聖人

並見如
藍記

王守一貞觀中布衣自稱終南山人嘗賣藥洛陽市富人
柳信子眉上生肉塊守一以藥治之須臾塊破有小蛇
出五色爛然漸及丈許叱之蛇躍起雲霧昏暗守一乘

之而去親唐

秀禪師俗姓李初寓荊州後居洛都天宮寺習禪精苦元
鑒默識深為武后所重見西京雜記

張果不知何許人隱中條山往來汾晉間世傳數百歲武
后時聞已死尋復見居恒州山開元中詔至東都舍集
賢院肩輿入宮帝問以治道及神仙事語秘不傳果善
息氣累日數御美酒帝謂高力士曰吾聞飲酒無苦者
奇士也取以飲果三進頽然曰非佳酒也飲輟就寢齒
牙焦縮頰左右取鐵如意擊墮之藏帶中更出藥傳其

齟良久復燦然駢潔帝益神之欲妻以玉真公主果固
辭圖形集賢院懇求還山賜號通元先生

見唐書

王旻居洛陽青羅山鄉里見之已數百歲開元中召至京
待以優禮復遣從李元靖求補仙書還請歸山不復入
城常與達奚侍郎交善後旻死猶杖履詣達奚人始知

其屍解云

見高僧傳

申泰芝洛陽人遊南岳遇真人傳金丹火龍之訣遂能乘
虛神遊隱顯出入人不能測

見法苑珠林

僧義福姓姜氏潞州人初止藍田化感寺開元時從駕至

東都官民齎幡花迎之道路為塞及卒賜號大智禪師

墓伊闕北中書侍郎嚴挺之製碑文立于墓所

見宏簡錄

圓觀惠林寺僧與李元共處三十年後遊峽中見婦人負

甕而汲謂源曰此某死生之所言訖而化

見冥感錄

胡僧無畏不知何許人天寶中邛山忽有巨蛇高丈餘長百尺見者異之無畏曰此欲決水瀨洛陽以天竺法咒之數日蛇死

見唐書

呂嵒字洞賓河中人會侍鍾離講道于雲溪觀石巖相傳二仙洞是其遺跡也縣西北元帝廟柱俗謂倒樹枯楊

有道士於柱上書活楊宮三字傍註呂字而去頃之枝
葉大茂因即以活楊宮為名焉

僧如滿居龍門香山寺與白居易善集中有贈如滿詩

朗然子姓劉名希岳字望嵩本章水舉人棄儒歸元宋端
拱中居洛之通元觀多異跡一日辭鄉鄰遠行羣送之
見其擁衲坐忽失所在俄聞蟬聲振耳視之已在雲表

有修真詩三十首刻棲霞宮

並見舊志

劉處元字通妙號長生子武功人大定時入洛住雲溪觀
門人為鑿洞室忽得石井眾方駭異處元笑曰不遠數

尺更有二井此我三生前修煉處鑿之果然金主召問
治道對曰寡嗜欲則身安薄賦歛則國泰金主悅勅修
虛靈觀以居之

見金史

風仙姑俗呼小二娘秦人不顯姓氏乞食度身就穢污不
覺也信口放言具有元旨常云綠葉漫天長黃花滿地
開千里覓不得萬里捉將來又曰油盡燈乾燈自滅隨
風却見剔燈人似此者不一而足

孫仙姑名不二寧海人馬丹陽之妻從風仙姑遊先是丹
陽得道居洛六年跣跌而化丹陽在寧海聞仙樂駭空

仙姑乘彩雲過之告曰吾先歸蓬島矣

並見洛下脩聞

僧秦然名維樂俗姓張直隸昌平人駐錫於城西法藏寺
即今水陸禪堂以念豆佛為入廊之自常拈一小豆人
莫知者一日薰沐語其徒曰吾生世緣盡於此端坐而
寂邑人有於七里橋遇僧拈豆西行相與問訊猶如平
日也

列女

附見者得列女及通志舊郡邑志與近時所

各綴其實不敢脫畧夫微實行于閨門亦與子之

孝臣之忠相均此勵俗之所以及首高也明末洛遺

閨冠婦人之以節烈著者甚眾于戈擾攘姓氏莫

稽其傳焉者第十之一二耳則夫自明以前之缺

畧而失傳者又豈少哉至若節婦孝婦河洛尤多

爰稽舊籍並載時人各用標題作合傳體良由購

詳者人不病其多而事同者文應從省故爾

樂羊子妻後漢時人不知何氏女羊子道路得遺金還以

語妻妻曰妾聞志士不飲盜泉之水廉者不受嗟來之

食况拾遺求利以污行乎羊子大慙乃捐金于野而還

就學一年來歸妻跪問其故羊子曰久行懷恩無它異

也妻乃引刀趨機而言曰夫子積學當日知其所亡以
就懿德若中道歸何如斷斯織子羊子感其言復還終
業七年不返妻養姑以孝盜至欲殺姑妻先自刎姑得
全太守捕誅盜以禮葬之號曰貞義

石崇妾梁氏名綠珠梁州人美而艷崇為交趾採訪使以
珠三斛娶之賈謐敗崇坐黨與免官居金谷別館孫秀
使人求綠珠崇不許秀因勸趙王倫誅崇介士到門崇
謂珠曰今為爾得罪珠泣曰常效死君前投機下死
韓觀妻于比河南人于寶之女字茂德十四適觀處貴族

動遵禮度躬儉約宗黨敬之覲從軍沒實以氏幼等奪其志誓不許遂以夫孽子世隆為嗣氏力勤教子終身不聽音樂

劉長孫婦劉氏河南人隋武衛將軍劉昶之女兄曰居士為千牛備身不遵法度橫行鄉里氏早寡為兄養親稱孝焉居士以誣見殺連及昶賜死于家文帝以親舊故詔百官臨視而氏之孝遂聞於上帝曰吾聞袁門之女與門之男信不虛矣

胡哀門產賢女如興門之多奇男子也

竇烈婦河南人朝邑令畢某妻初同州軍亂畢夜半出匿

避于民家實乃仇也引盜入粹其首欲殺之竇泣持賊
袂被傷畢由是得脫一時稱烈焉

盧氏狄仁傑之姨也居午橋南別墅仁傑往謁見其子帶
弓矢携雉兔歸顧揖仁傑意甚輕之仁傑啟盧曰某備
位宰相弟有何樂願從其旨盧曰相自貴耳老姨止此
一子不欲其事女主也仁傑敬服焉

程珣妻侯氏太原人丹陽令道濟女二程子母也幼讀書
知古今事母刁風有風厥之疾多夜作賴女持侍焉適
程執婦道勤教二子顯頤為一時名儒封上谷郡君

尹焞母朱氏聞伊川講學教焞受業焉紹聖初詔以新學策士焞曰是尚可以干祿乎不對而出語伊川以不樂仕進之意程曰子有母在不類他人焞歸告其母母曰吾知以善養不願汝以祿養伊川聞之曰賢哉母也

齊關妻劉氏夫以戰死氏誓守節有強議婚者給曰吾有願償畢當從所言是日登天寧寺浮圖絕頂祝天曰妾河南名家女夫已死不敢失節遂投地而死

趙彬妻朱氏名錦哥洛陽人天歷初河南遇兵朱被執賊逼之朱曰我良家婦豈從賊耶兵怒提曳箠楚之度不

能脫紿曰舍有瘞金當挾而去兵隨之行携三歲女赴井死前明曹昂妻張氏事亦同之

真邱郡主明伊藩安惠王之女適蔡昇宏治元年昇病死主觸壁而斃事聞詔謚嘉貞

玉亭縣君伊藩典柄女年二十四適楊仵不兩月而寡有遺腹忍死襄事孝奉舅姑及生男家日落又值歲祲宗祿久缺紡績三日不得一餐其子曰取屋後土作坯易粟發地得錢數百每日如之尋復得石炭取以供爨焉咸謂苦節之感云

前所節婦李保定妻牛氏永樂時旌董安妻王氏董雄妻
匡氏嘉成化時旌孫整妻常氏劉傑妻賈氏楊璟妻馬
氏並宏治時旌曹興妻龐氏莊永昇妻沈氏賈生曹裡
妻並閔氏吳福妻曹氏曹昂妻張氏許昂妻喬氏孫國
儒妻劉氏孫祿妻醫氏正德時旌王盤妻唐氏任彰妻
某氏姬仁妻焦氏庠生徐觀光妻鄧氏尚鑑妻錢氏閻
存姐並嘉靖時旌摠制張松妻關氏贈按察司郎遵夏
妻喬氏舉人任啟元妻許氏國學生黃時泰妻任氏庠
生杜正夫妻陸氏王守身妻尤氏韓鍾岳妻朱氏王之

欽妻陳氏李樹勳妻劉氏劉大業妻荀氏任忠妻李氏
范引妻閻氏李可實妻魏氏劉九宮妻賈氏青遂妻邢
氏魏光祚妻史氏儒士王好仁妻謝氏白應冬妻張氏
張文政妻秦氏孫政妻周氏郭留妻孫氏李孕妻秦氏
邱府妻朱氏郭遵化妻朱氏齊鳳妻孫氏王天民妻曹
氏陳明幹妻張氏並萬應時旌曹昂妻張及閻存姐崇
以烈顯餘皆旌節
禎朝節婦贈參政張心謙妻程氏贈尚書呂卿妻牛氏
行人司陳心傳妻某氏貢生杜敦弟母陸氏庠生何宜
繩妻金氏何宜發妻陳氏傅國英妻王氏董維藩妻劉

氏張懋德妻陳氏進士王維翰祖母庠生任賢妻杜氏
安徽布政李學裕祖母贈公李尚德妻刁氏何錫如妻
王氏劉玉鑑妻尤氏馬仁妻常氏王國柄妻郭氏劉若
淵妻葉氏郭永厯妻楊氏熊健妻宋氏溫廷梅妻李氏
張鰲吸妻翟氏王之鉉妻朱氏李時行妻劉氏畢承祖
妻祁氏儒士陳天祿妻邢氏徐平妻某氏高子坤妻
氏以烈旌者舉人董維翰妻葉氏庠生何川如未婚妻
董氏劉繼寶妻王氏潘原堪妻劉氏布政司張彥珩妻
賈氏知州張其瑾妻劉氏郭永祚妻左氏子興妻楊氏

來秉衡母劉氏衡妻吳氏教諭陳璿妻馬氏訓導董正
妻王氏歲貢生邢士楷妻李氏董景行妻郭氏庠生戚
苑卿妻朱氏吳生妻何氏董維貞妻李氏杜孝妻喬氏
徐毓淳妻董氏溫廷樞妻子氏許嘉瑞妻邵氏子銳妻
徐氏故民曹應祥母及祥妻並王姓稱大小王氏孔印
樟妻楊氏秦名卿妻潘氏郭永厯妻楊氏魏伯昌妻宋
氏熊夢兆妻祁氏孫高樞妻李氏王進孝妻張氏李烈
女杜姐自張布政彥斯妻賈以下二十七人皆經明末
闖寇之亂從容殉國巾幗聲名凜然矢丈夫之節亦微

風俗之厚云

國朝烈女

正色絕邪如歸視死以此扶綱常振名教千載而下稽其姓氏備稟稟焉有生靈故特詳列於

左

陳午孫妻李氏結褵二載夫亡氏年十九舅姑欲奪其志

縊死有司表其閭

秦其名妻崔氏夫亡年二十五視含殮畢自縊以殉

庠生楊濟瀛妻王氏夫早亡守志迨三十年舅姑歿營喪

訖曰吾事畢矣因不食死

朱漢雯妻魏氏夫卒矢志撫孤歷四十年子復亡自傷絕

夫嗣縊死

李紹聖妻戴氏夫死喪既終遺孤亦稍長能自食遂絕粒死

范九玉妻康氏饑餉田間狂且張五要諸路逼淫之力拒
不辱被殺

張景齡妻韓氏性至孝翁病煩熱身夜叫豈不能貼席醫
言須刈合劑然嚴冬蟄伏甚難覓氏誠禱得之竟藉以
瘞夫亡才十八歲只遺一子母令改適不從迫之絕粒
七日而死

王慎妻李氏結褵未幾慎早殤無子妣李亦早寡有遺孤
氏欲從慎死李以親在為解迨舅姑歿氏憮然曰吾事
畢矣自縊死

董朝奎妻郭氏通女經小學諸書敦倫理重節義于歸三
載夫歿請於姑求嗣子既葬奠墓三日抱夫遺書焚之
是夕自縊年二十二歲

司馬氏惠女白沙鎮人年十八婚有期矣劉九瓚者惠義
子也瞰氏獨處逼之不從被殺死

陳學詩妻馬氏夫出隣惡智三傑入室欲污之堅拒聲噪

智遁去夫歸告之故自縊

龐氏忙姐油坊人採棉於張氏原上張氏子逼之不從時
兩幼妹偕行令一妹走而噪張懼得脫歸泣不止母問
之示以指痕衣裾夜半縊於採棉之地

黃氏連之室女春粟園間里少潘金子見而挑之力拒得
逸還家自盡

魏繼珍妻梁氏夫出族弟繁福入其室強犯之力拒衣襟
皆裂適夫歸得脫哭泣至夜經死

崔氏毛姐將笄未嫁父母刈禾於田強暴某入其室強犯

之力拒誓不絕俄聞墻外人語某驚適氏尋自縊
孫義妻吳氏夫亡夫弟智以隣人聶津白言將逼氏改適
氏聞泣不置懸床自縊

陳正景妻鄧氏子允中妻麻氏常某妻吳氏子世名妻董
氏武世輔妻左氏子統文妻高氏程明揚妻王氏子其
儒妻鄭氏王溥妻張氏子宮檜妻徐氏史應選妻曹氏
子某婦孫氏劉思智妻魏氏思信妻高氏董珍妻許氏
子栢林妻韓氏李廷棟妻孫氏子榮妻潘氏袁帝簡妻
郭氏子自立妻王氏高元錫妻趙氏弟元度妻王氏青

拔妻張氏弟揚妻齊氏林宗秀妻蔡氏其姒某氏歸林
早寡與蔡出入必俱也牛養麟妻董氏妾張氏袁昌喬
妻尚氏暨子婦某氏並稱雙節劉道源妻王氏生二子
而寡子永寧娶劉氏永昇娶金氏寧與昇又相繼歿二
孀婦侍側一門三節聞者尤哀之

贈按察司李本質妻曹氏知府何如玉妻余氏知州董爾
性妻百氏南江令董萬戶妻石氏垣曲令郭如岷妻曹
氏都司畢乾應妻李氏貢生郭致大妻節氏何鏗妻施
氏喬起龍妻馬氏郭繼曾妻何氏袁昌瑞妻宋氏李良

璧妻李氏甯存仁妻潘氏國學何鈞妻周氏董嘉穎妻
杜氏李復陽妻董氏董嘉名妻史氏張無爭妻黃氏董
萬傑妻郭氏甯依仁妻郭氏黃珣妻劉氏朱鴻雲妻董
氏溫爾圻妻李氏王先登妻商氏石鈺妻張氏董金壽
妻孟氏袁昌譜妻郝氏張兆齡妻王氏岸生張燦妻李
氏王贊妻屠氏郭珍妾王氏孟拱極妻劉氏商元印妻
董氏邱岑妻李氏李業新妻馮氏潘景辰妻劉氏董昌
印妻秦氏何鉞妻高氏郭眉齡妻李氏史嘉祥妻李氏
溫爾培妻陳氏董駿發妻石氏王遐齡妻李氏張于默

妻徐氏任先聲妻陳氏劉應槐妻吳氏郭鍾秀妻閻氏
商嘉謨妻黃氏董九苞妻劉氏李澄清妻孫氏韓彥妻
劉氏邢煥妻李氏鄭人傑妻劉氏董九徵妻王氏李國
璧妻王氏王楷妻常氏周繹文妻黃氏郭允綺妻徐氏
郭金聲妻李氏陳汲龍妻王氏莊繼武妻何氏高漢英
妻李氏于依仁妻武氏邱瑄妻甯氏何鏜妻呂氏張朝
選妻于氏溫如楷妻李氏董樂天妻張氏董鎔妻邢氏
皆身居世族或茶蘼相夫或丸熊課子並著壺則詳於
家乘惟董鎔妻邢氏婺婦事姑克勤孝養姑歿絕粒而

死尤稱烈焉

任鎔妻張氏李灃妻孫氏醫士張維一妻劉氏黃世學妻
潘氏楊文耀妻梁秦偉妻王氏胡際泰妻宋氏朱謙吉
妻張氏李一蘭妻范氏王世榮妻馮氏呂承武妻王氏
韓光祖妻申氏許克明妻耿氏王述曾妻張氏晉國蘭
妻趙氏朱世朴妻劉氏陳維敬妻方氏金廷齡妻白氏
盧文斗妻魏氏王玠妻蘇氏孫修德妻石氏高臨妻孫
氏王應試妻邱氏李王度妻劉氏史謨妻孫氏林朝龍
周氏郭基昌妻梁氏魏國福妻馮氏韓瑣妻萬氏宮瓊

區妻谷氏莊景輝妻董氏孟長儒妻張氏亢九思妻李
氏黃克讓妻張氏姚可才妻景氏蕭容妻陸氏裴汝翼
妻王氏王賓妻王氏殷長祚妻裴氏焦文裕妻丁氏王
建統妻王氏牛珮妻張氏郭承德妻胡氏史興祖妻韓
氏王寅妾汪氏李仙植妻張氏范洪圖妻張氏王國棟
妻將氏楊克拔妻沈氏王岳齡妻鮑氏宋連才妻董氏
徐朝遠妻寇氏朱克明妻張氏張毓琮妻陳氏李均妻
劉氏李可貞妻張氏武世相妻陳氏楊文琰妻張氏陳
鉤妻盧氏魏克敬妻韓氏孔世英妻趙氏亢爾讓妻張

氏邢士標妻蔡氏董大祥妻張氏張毓瑞妻喬氏李鎮
妻寇氏楊爾彥妻周氏張漢妻高氏劉佑妻馬氏胡敬
聖妻王氏史調鉉妻石氏楊鑑妻邢氏謝君愛妻蘇氏
李之蕃妻李氏馬學信妻郝氏李行繩妻姚氏曹朴妻
于氏黃國卿妻楊氏趙廷鏞妻段氏袁帝簡妻郭氏霍
可傑妻潘氏陳其瓚妻韓氏陳紹周妻馬氏于廷霖妻
宋氏張王命妻李氏劉浩妻張氏朱緯妻張氏袁世法
妻朱氏霍蓮陽妻韓氏胡國輔妻蘇氏梁清妻李氏葉
雲沛妻鮑氏王濂妻汪氏何應慈妻孫氏李遵周妻姚

氏戴王社妻張氏李作新妻趙氏龐獻卜妻孫氏李循
繩妻姚氏朱倫義妻賈氏張恒崇妻李氏梁玉瑄妻張
氏范安祿妻姚氏張天祺妻劉氏唐士龍妻宋氏倪成
禮妻郜氏曾球妻黃氏李秀妻盧氏王敦化妻范氏陳
九疇妻史氏李之貴妻曹氏苗澤盛妻張氏白無飾妻
趙氏王暉妻李氏張福賢妻何氏張宏妻李氏范岐妻
李氏陳四妻程氏凌選妻張氏孫顯祖妻徐氏傅養賢
妻劉氏黃奇妻潘氏張文明妻苗氏李鳴鳳妻畢氏許
碩儒妻宋氏張應魁妻王氏龐敦業妻張氏王蘭妻李

氏李傑妻范氏郭允輝妻孫氏朱延先妻高氏劉崇星
妻趙氏吳應試妻馬氏劉賓妻王氏齊良相妻邱氏田
耀然妻曹氏侯輔臣妻孫氏郭宸修妻馬氏李廷秀妻
宋氏許良官妻孫氏王錫祿妻李氏曹應祥妻趙氏谷
振印妻張氏劉建邦妻馬氏馬朗德妻張氏李霖妻馬
氏高漢英妻李氏朱性彝妻王氏任至德妻梁氏畢星
妻張氏岳定妻王氏張進忠母黃氏郭顯忠妻白氏劉
道源妻王氏施懷智妻李氏葉雲高妻苗氏仇羅妻朱
氏朱朝斗妻孫氏王富妻劉氏周顯祖妻左氏王希儒

妻王氏楊宗堯妻郭氏孫佩璜妻張氏胡顯令妻張氏
李朝桂妻李氏張林妻趙氏王錫爵妻張氏苗樞妻孫
氏來迎止妻張氏史正行妻薛氏李典妻蔣氏張濤妻
溫氏貧珏妻李氏李名世妻栗氏傅華妻孫氏王性智
妻石氏楊其璘妻馬氏劉文藜妻唐氏孟長貴妻徐氏
王學泉妻李氏楊登第妻席氏李永吉妻馬氏李士仁
妻楊氏王宏毅妻胡氏朱麟妻馬氏苗觀生妻姚氏陳
嘉言妻王氏牛傑妻王氏牛新炳妻楊氏趙克顯妻李
氏王相良妻劉氏張元英妻章氏陳餘慶妻張氏劉士

華妻張氏廖爾性妻黨氏楊瑞生妻馬氏楊無忤妻任氏唐士鳳妻左氏方過恆妻常氏鮮自成妻郭氏黃質妻王氏陳啟仁妻張氏葛永祚妻劉氏司馬雲妻申氏李文華妻董氏李國樞妻朱氏郭聰妻李氏吳謙益妻李氏宋有成妻朱氏郭自興妻范氏宋國良妻井氏易自強妻高氏陳希賢妻林氏蕭祿生妻方氏熊權妻楊氏余富壯妻閻氏史恭恆妻金氏蘇景延妻呂氏孫玳妻宋氏周學台妻黃氏牛克明妻張氏李漳妻尤氏毛元善妻陳氏邱峻妻李氏黃文憲妻殷氏李文煥妻何

氏韓養妻張氏邢僖妻李氏陳謙妻徐氏陳見可妻李氏王榮環妻楊氏姬文孝妻王氏王士俊妻邢氏董裕妻詹氏陳元拔妻姚氏劉世昌妻楊氏方璋妻韓氏劉璜妻李氏唐紹端妻王氏王珮妻李氏徐大仁妻張氏李可仁妻張氏林值妻徐氏溫大興妻李氏李文發妻張氏楊宏妻劉氏田爾佐妻潘氏劉元輔妻魏氏伏文定妻李氏李文聚妻趙氏曹自行妻何氏殷宏祥妻王氏趙生蕙妻曹氏張元祐妻宋氏李如桂妻任氏董策妻李氏趙恆泰妻王氏黃仁妻王氏葉炳星妻邢氏李

東鈞妻楊氏李永興妻周氏孫應辰妻楊氏胡朝用妻
吳氏孫鍾英妻李氏石琚妻葛氏郭景泰妻張氏劉珣
妻周氏錢考祥妻張氏霍俊妻喬氏范安曾妻張氏宋
際升妻曹氏蘇克讓妻張氏呂行正妻寇氏趙廷銓妻
呂氏李紹聖妻戴氏李耀太妻梁氏石天爵妻裴氏蕭
鳳妻張氏翟大道妻李氏張錦妻孫氏曾魯會妻董氏
郭俊妻陳氏魏永貴妻馬氏楊從智妻張氏于禮妻林
氏張夢麟妻石氏董爾相妻竇氏尚廷惠妻高氏陳廷
獻妻張氏蕭登賢妻呂氏張元禮妻張氏韓性成妻梁

氏王敬業妻張氏李相洛妻葉氏王建府妻申氏宋良
魁妻楊氏王拱妻何氏韓國用妻魏氏韓一鶴妻師氏
朱純妻孫氏權爾倫妻劉氏杜彥芳妻郭氏張其謙妻
高氏楊文魁妻崔氏李九奏妻姚氏李世顯妻賀氏孫
顯祖妻徐氏張其右妻李氏劉廷望妻趙氏尤廷輔妻
何氏朱朝輔妻宮氏沈如楷妻李氏朱天福妻陳氏任
克己妻張氏黃通妻王氏尤世重妻王氏張懷璧妻魯
氏袁名麟妻谷氏魏景明妻賀氏董大智妻高氏梁心
智妻傅氏史守遊妻郭氏蔡世魁妻劉氏李式金妻田

氏范某妻李氏姚琚妻蔡氏皆矢志冰操撫孤成立文
繁各志以名事不備載

劉可大妻魏氏孫耀雲妻李氏郭維揚妻李氏劉養純妻
苗氏李宏如妻顏氏盧文斗妻魏氏王玠妻蘇氏史譜
妻孫氏趙廷鏞妻段氏任光聲妻陳氏史興祖妻韓氏
董大祥妻張氏張毓瑞妻喬氏馬騰雲妻蕭氏柳恆妻
李氏曹嘉言妻孫氏翟士奇妻孫氏楊大邦妻陳氏彭
喜妻徐氏李逢雲妻姚氏胡宗舜妻方氏魏一鵝妻張
氏黃先聲妻黃氏呂承文妻張氏吳文煥妻王氏潘玉

璉妻李氏郭贊妻胡氏楊文壽妻董氏楊相妻謝氏郭
元翼妻張氏孫範妻李氏王德吾妻趙氏李懷珍妻王
氏薛永祚妻柳氏李有讓妻李氏郭世英妻王氏王于
夏妻徐氏劉長祚妻張氏胡國佐妻楊氏郭崑鎮妻董
氏伏文鑄妻王氏董萬億妻龔氏王大仁妻王氏張元
因妻施氏鄭有仁妻陳氏沈苞妻陳氏金璧妻杜氏王
者賓妻黃氏單思聰妻陳氏劉元妻韓氏馬驥妻馮氏
范秀妻陸氏王國彥妻王氏張彪妻吳氏馬崇文妻尚
氏田葵妻楊氏田蕙妻陳氏史常妻曹氏賈英妻祝氏

石萬壽妻范氏李某妻黃氏張世福妻蘇氏向端妻劉氏喬鐸妻陳氏田宗武妻薛氏石玉妻張氏曹鳳翥妻張氏范安世妻任氏吳居敬妻姚氏司馬孝妻申氏姚化國妻張氏呂瑗妻倪氏董萬方妻來氏黃紹武妻王氏董有敏妻馮氏王子仲妻秦氏傅中顯妻王氏郭劍妻畢氏段九德妻劉氏周日瑞妻鄭氏董自超妻邢氏黃夢蛟妻王黃夢芳妻黃氏黃夢鰲妻岳氏許毓理妻張氏王天祿妻段氏馬路妻周氏朱健妻王氏耿國棟妻蔡氏王維高妻陳氏張元佩妻崔氏劉國傑妻方氏

張嵩妻郭氏郭一鶴妻董氏魏繼璽妻李氏周尚斌妻
黎氏馬永正妻張氏張敬臣妻沈氏曹持妻劉氏李松
齡妻王氏李檀質妻潘氏張賢行妻李氏郭一士妻馬
氏楊夢熊妻董氏孫鉢妻楊氏王憲德妻王氏董悅心
妻蔡氏魏宜良妻安氏高于凌妻唐氏岳鍾璉妻李氏
王顯武妻曹氏朱文斗妻袁氏岳惟詒妻李氏王秉義
妻王氏張撫妻段氏劉世賢妻李氏張宗孟妻馬氏裴
彭齡妻馬氏董文炳妻王氏袁鎬妻郭氏劉光先妻趙
氏毛世英妻周氏李承燦妻姬氏聶文元妻秦氏孫雲

從妻宮氏焦錦妻黃氏潘宏勳妻齊氏溫紹武妻方氏
楊崑生妻趙氏何永昌妻李氏蘇景新妻于氏耿玉訓
妻王氏仝坤妻韓氏金坦妻李氏胡勢妻張氏方汝彥
妻賈氏並夫亡無子撫嗣孤教以義方矢志堅貞白頭
完節例得悉載姓氏於編末聿昭閭範云

黃克孟妻呂氏幼為黃之養媳年十五未婚姑病劇藥不
效呂剝股飲之俄而即愈里人稱孝婦前任王箴興以
粟帛旌之

王氏張白驢之聘妻也家世貧賤依人貿易三歲養於張

未成婚而白驢出氏依孀姑績紡供衣食者十二年姑
病割股啖姑及卒營姑喪極慎勸之改適不從矢志益
堅鍵戶不出又王獻圭妻許氏郭傑妻范氏胡三元妻
楊氏節婦姚琚妻蔡氏仝坤妻韓氏並能事舅姑勤色
養割股療疾一時同稱孝婦故并志之